


International call 48t per min **ALL DAY ALL NIGHT!**

Use Citifon, Fixed Wireless phone & Prepaid Landline to call Australia, New Zealand, China, India, Fiji, Philippines & Malaysia this XMAS and enjoy the **LOWEST** Call Rate.

TELEKOM PNG
24/7 Customer Care on 345 6709 | website: www.telkompng.com.pg

4 Megikol Dilong Hansets



Megikol dilong dispela Krismas taim, selektim hanset long laik na prais em stat long K49 tasol!

Klostu taim bai Krismas Dae!
www.digicelpng.com | f t

Digicel
PNG's Digicel, Dailym Network.

Igat terms na condicens. Askim of lain lo stoa long moa tokkuse. Promonen ba pinis lo 31st Desemba 2011.

Palamen tok oraitim 2012 Mani Plen



Sabina's Corner
Ritim moa long Pes 12 na 13...

Aja Alex Potabe i raitim

PALAMEN i pasim pinis Baset 2012 aste apinun. Planti ol memba husat i stap wantaim Gren Sif Sir Michael Somare i no bin kam tasol tupela memba, Bob Dadae (Kabwum) na Benjamin Mul (Not Waghi) tasol i bin kam stap long palamen.

Tresara Don Polye i tok dispela K10.5 bilian baset em i bikpela mani tru we PNG i no bin skelim dispela kain mani mak bipo.

I go moa long pes 2

PABLIK SAPOT: Sapot bilong O'Neill-Namah gavman i wok kamap ples klia, we planti i no laikim ol i lusim dispela wok, bikos, planti i tok, ol i nidim polisi bilong fri edukesen long rausim hevi long ol papamama long kantri. *Poto: Nicky Bernard.*



KLOSTU NAU! **Yu enrol tu?**

131
De moa...



Enrol NAU!!

ELECTORAL COMMISSION Papua New Guinea 2012 VOTE LPU

Sir J no wanbel long senisim PM na NEC loa

Aja Alex Potabe i raitim

GAVANA bilong Nu Ailan, na bipo praim minista bilong PNG, Sir Julius Chan i belhat nogut tru na i no bin wanbel aste taim Praim Minista Peter O'Neill na palamen i laik

senisim loa i bosim wok Praim Minista na Nesenel Ekseketiv Kaunsel.

Dispela amenmen bil i laik givim nupela mak bilong krismas bilong praim minista long 72 yia.

I go moa long pes 3

Muruk kiau em piksa bilong kosevesen - p27



GLOBE **...the perfect choice**

VITAMIN ENRICHED

More Easy, More Tasty, More Healthy.

1kg Rice MEDIUM GRAIN

PNG mas sapatim West Papua

Aja Alex Potabe i raitim

PNG mas luksave long halivim ol pipel bilong West Papua husat i pait stap yet wantaim Indonesia long kisim independens na fridom.

Longpela taim tru, PNG Gavman i bin givim baksait long ol dispela manmeri husat i luk wankain olsem yumi, na husat i bin pait agensim ami na gavman bilong Indonesia long 1962 yet, bikos ol i laik kamap fri manmeri olsem yumi.

Gavana bilong NCD, Powes Parkop i salensim Palamen hap aste long grivens dibet taim olsem, O'Neill-Namah Gavman i mas nau luksave na tromoi bikpela sapat bihain long ol pipel bilong West Papua long kisim independens.

"Ami bilong Indonesia save kilim ol nating nating. Repim ol meri. Kukim haus bilong ol. Bai yu pilim olsem wanem sapos ol narapela

lain kam long ples bilong yu na mekim olsem long yu?" em i askim palamen.

"PNG em kristen kantri na baibel i tok laikim narapela olsem u save laikim yu yet. PNG i mekim wanem lon halivim ol dispela turangu manmeri. Yumi i no moa Kristen sapos yumi sanap na lukluk taim ol poroman bilong yumi i stap long hevi long arapela sait bilong boda," em i tok.

"West Papua em i stap long Niugini Ailan. Narapela sait bilong ailan yumi PNG stap. Ol manmeri i luk wankain olsem yumi bikos ol bilong Melansia tu. Na yupela pilim olsem wanem taim ol Saina na Kong Kong na Korea i kam insait long PNG, brukim loa na mekim nambaut nambaut long kantri bilong yumi,? Parkop i tok.

Em i tok PNG Gavman, Foren Afes Minista o Praim Minista i mas toktok strong long ol intenesenel o

rijinel forum olsem Yunaitet Nesens (UN), APEC, PIF, (Pasifik Ailan Forum) na Melanesian Spiahet Grup (MSG) na sapatim ol brata na sista bilong yumi long arapela sait bilong boda.

"Long PNG 50, 000 manmeri West Papua i stap. Sampela bilong ol i loya, dokta, injinia, na ol arapela wokman meri. Ol i mekim bikpela wok long kirapim kantri bilong yumi. Tasol taim ol i laik kisim sitisensip, Imagresen Loa i tok ol i mas peim K10, 000 long aplai long kisim sitisensip. Dispela i mas senis. Gavman mas givim fri sitisensip long ol bikos e mol lain bilong yumi," Parkop i tok.

Taim Australia i bin lukautim PNG, Netalens i bin lukautim Indonesia na West Papua. Bihain long Indonesia i kisim independens long 1947, Presiden Sukarno i bin tokim ol ami bilong en long stilim dispela hap graun bilong yumi na kamap

olsem graun bilong Indonesia tu.

Taim West Papua laik kisim independens long 1962, Indonesia i bin salim planti moa ami na stopim ol long kisim fridom bilong ol. Indonesia i bin giaman na tokim Yunaitet Nesens (UN) olsem West Papua manmeri ol i bin tok ol i laik stap aninit long gavman bilong Indonesia.

Ami i bin kilim ol planti moa manmeri na stilim dispela graun bikos em i gat planti ol risos olsem wel, gol, ges, kopa, timba na fis. Planti lo West Papua manmeri i nau turangu yet, taim ol pipel bilong Indonesia i kam long Java Ailan i kisim olgeta bikpela wok gavman, bisnis, na ol arapela samting tu.

Parkop i tok PNG gavman, aninit long O'Neill-Namah i mas luksave long singaut na karai bilong ol dispela pipel bikos ol i manmeri Melanesia na barata na susa bilong yumi.

TELLupdate

CITIFON POST PAID SMART PLANS

Citifon now introduces Post-Paid plans and for every post paid 12 month plan you sign up for, you get a Huawei C8650 Touch phone absolutely free.

Post-Paid Smart Plans

Plan Name	Gold Smart	Silver Smart	Bronze Smart
Monthly Rental	K135	K125	K100
Huawei C8650 Smart Phone	FREE	FREE	FREE
Voice (mins)	200	100	50
SMS	200	100	50
Data (MB)	300	200	100
Sign Up Fee (one off)	K0	K50	K100

Excess Charges

TYPE	Excess Charge
Minutes (offnet)	99¢ per min
SMS (offnet)	30¢ per sms
Megabyte	29¢ per mb

CLOSED USER GROUP (CUG)

Sign up now and save up to 30% every month

Telikom's Closed User Group gives you a choice to add any Telikom prepaid number across the country in your CUG for free calls within the group.

A minimum of 10 prepaid numbers are required to subscribe to CUG. It allows you to nominate your fixed line, Fixed wireless and Citifon numbers into Closed User Group.

- Reasons to choose:**
- Free calls, SMS within CUG
 - No Sign Up fees
 - Cheaper monthly rental at K29.00
 - Cheaper off net call rates to mobile & IDD
 - Flexibility of including your prepaid

The Possibilities are Endless!!!

CUG Plans	Excess Charges
Calls and Text within Group	FREE (unlimited)
CUG to IDD (Australia, New Zealand, China, Philippines, Fiji)	99¢ toea per min
CUG to mobile	48¢ toea per min
CUG to non-CUG members	29¢ toea per min
CUG to CUG	29¢ toea per min
SMS from CUG to CUG	1¢ toea per SMS
CUG to non CUG	1¢ toea per SMS
SMS to IDD	23¢ toea
SMS to mobile	11¢ toea



Dadae i amamas long O'Neill-Namah Gavman

BOB Dadae, Mema bilong Kabwum na bipo Minista bilong Difens aninit long Somare Gavman, i amamas nogut tru long O'Neill-Namah Gavman bikos ol i luksave long Kabwum pipel.

Em i bin stap wantaim Gren Sif Sir Michael Somare tasol aste em tokaut long Palamen olsem O'Neill gavman i bin mekim planti bikpela samting long liklik taim tasol na em i gat bikpela bilip long dispela gavman.

"Mi wanbel long fri edukesen polosi bilong dispela gavman. 2012 Baset dispela gavman i bin pasim tu i givim bikpela luksave long Kabwum pipel na mi amamas tumas long makim maus bilong pipel bilong Kabwum na tok tenkyu long tresara Don Polye," em i tok.

Em tok maski Peter O'Neill em deskmet bilong em taim tupela i bin

skul bipo, em i gat bikpela bilip long dispela gavman bikos ol i mekim planti gutpela samting we Somare gavman i no bin mekim long dispela 9-pela yia ol i bin stap long pawa.

Dadae tok yumi mas rispekim Gren Sif bilong yumi bikos em i papa bilong PNG. Tasol gavman bilong en i no bin tingting long rausim pasin korapsen, givim gut sevis long pipel long ples, na ronim gut kantri.

"Mi lida bilong Yunaitet Pati na i luk olsem i kam stap long hia long stap olgeta. I no bilong go bek bikos O'Neill-Namah Gavman em i tru tru gavman bilong pipel, i no gavman bilong wanwan man tasol," em i tok.

Mema bilong Not Wagi, Benjamin Mul na Dadae, husat i bin stap wantaim Somare, i bin kam long Palamen aste na hap aste.

Gavman i ridim SWF Bil namba tu taim

GAVMAN i ridim namba tu taim gen PNG Soveren Wel Fan (SWF) Bil long mekim em kamap loa.

Praim Minista Peter O'Neill i bin ridim aut dispela bil aste na planti memba i bin wanbel long kamapim dispela loa.

Lida bilong Gavman Bisnis, Moses Maladina i edjonim palamen i go long Janueri 17, 2012, na i luk olsem dispela taim palamen bai vot namba tri taim gen long kamapim PNG SWF Act.

PNG SWF bai lukautim nesenel winmani gavman bai kisim long gol, ges, na wel projek i kamap nau long PNG, na putim gut

mani long yusim bihain taim dispela ol risos i pinis.

SWF i gat tupela fan: Developmen Fan na Stebilasesen Fan.

Developmen Fan bai stap long kirapim o developim kantri long sapatim laip bilong pipel. Dispela mani bai kamapim sevis olsem edukesen, helt, rot, bris, na ol arapela wok long kirapim kantri.

Stabilasesen Fan bai balensim mani insait long kantri long stopim inflesen. Taim planti mani i stap insait long kantri inflesen bai kamap. Inflesen kamap taim, prais o mani mak bilong ol stoa samting bai go antap. Long stopim infle-

sen, SWF bai gat Stebilasesen Fan.

Ol gutpela na stretpela man long PNG yet bai lukautim dispela PNG SWF insait long kantri yet. Na gavman i tipim Sir Rabi Namaliu olsem wanpela bilong ol dispela man husat ba lukautim dispela fan.

Dispela SWF em i wanpela gutpela samting O'Neill-Namah Gavman i mekim long gutpela bilong PNG. Sapos gavman na ol lida i paulim nesenel winmani bilong kantri nau yet, ol pipel long bihain taim bai kisim bikpela taim.

Olsem na em i gutpela long kamapim dispela loa.

Palamen tok oraitim 2012 Mani Plen

I kam long pes 1

Tasol aninit long O'Neill-Namah Gavman pipel bilong PNG i nau kisim dispela bikpela mani we, planti bai go long kirapim laip bilong ol grasrut pipel bilong PNG.

"Mi amamas long tokim pipel bilong PNG olsem dispela baset em gavman bilong yupela i mekim bilong yupela yet stret. Em i baset bilong ol grasruts manmeri na olgeta manmeri long PNG i kisim sea bilong ol. Mipela i no lus tingting long wanpela distrik. Olgeta 89 distrik na olgeta gavman ejensi, na wanwan

prairiti eria bilong gavman i kisim gutpela mani mak. Na dispela em hanmak gilong gavman bilong yupela, O'Neill-Namah Gavman," Polye i tok.

Em i tok tenkyu long Praim Minista Peter O'Neill, Diputi Belden Namah, ol wanwan pati lida, ol gavman minista na olgeta memba bilong palamen long sapat na pasin wanbel bilong ol long pasim dispela baset.

Mema bilong Rabaul na Atoni Jeneral, Dokta Allan Marat i bin amamas tru na makim maus bilong pipel bilong Rabaul na tok tenkyu long O'Neill-Namah Gavman long

dispela bikpela baset tru.

Tasol em i salensim ol wanwan memba long yusim dispela mani gut long kirapim ples bilong ol na karim gutpela sevis i go daun long grasrut level.

Gavana bilong Nu Ailan, Sir Julius Chan i tok olgeta memba i mas was gut long wokman meri bilong ol yet bikos planti taim ol dispela kain manmeri i save stilim mani bilong ol pipel.

Em i tok ol pablik seven i noken yusim mani bilong pipel long go ovasis nating nating, tasol ol memba yet i mas lukautim gut na

yusim gut mani long mekim wok long kirapim kantri bilong yumi.

Gavana bilong Is Ni Briten, Leo Dion i tok tenkyu long tresara Don Polye na i tok, dispela baset bai karim planti senis i kam long PNG sapos ol memba i poret long God na mekim wok stret long sevim turangu manmeri long wanwan ilektoret o provins bilong ol.

Em i tok pastaim Somare Gavman i bin givim planti mani long Pomio distrik, tasol nogat wanpela gutpela samting i kamap long Pomio na Is Nu Briten, na em i paul wanem hap dispela mani i go.

Sikspela Memba i agensim Bil bilong ol meri

Aja Alex Potabe i raitim

SIKSPELA Memba bilong Palamen i agensim Ekwiti na Patisipesen Bil long larim ol meri i gat 22-pela risev sia long Palamen.

Ol meri i nidim 73-pela vot o tuted (2/3) absolut majoriti long pasim dispela bil na kamap olsem ol arapela loa we dispela loa bai

kamapim 22-pela sia bilong ol meri long palamen. Tasol hap aste ol meri i no bin gat sapot, na ol i sot gen long 6-pela vot long pasim dispela bil. Planti ol meri i no bin amamas taim Se Bath Philemon (Lae), Se Bob Danaya (Westen Provinsel), Dokta Moses Manwau (Wewak), Buka Malai (Madang), Samson Kuli (Usinobundi) na James Gau (Madang

Provinsel) i vot agensim dispela bil. Sapos ol i no bin vot agensim dispela bil, i orait ol meri inap long amamas bikos ol bai kisim tu ted absolut majoriti long kamapim dispela loa. Se Bath i bin tok bikpela mani tru inap long gavman yusim long givim sevis long helt, edukesen, rot na bris long ol pipel bai west nating long kamapim dispela 22-pela sia.

Em i tok o meri i mas kamap olsem Dame Carol Kidu na sanap long ileksen long kam insait long palamen. Se Bob i bin tok ol olgeta memba bilong palamen i no bin kalap i kam insait long windo long kam insait long palamen. Em i tok ol meri tu mas bihainim pasin bilong ol man long sanap long ileksen na larim ol pipel i makim ol long kamap lida, na kam

insait long dua stret. Dokta Manwau i tok em i no bin kam insait long palamen long isipela rot. Olsem na em les long ol meri tu bai kam insait long palamen long isipela rot. Em i tok ol meri i mas sanap long ileksen na resis wantaim ol man long winim pawa bilon pipel na kam insait long palamen olsem lida bilong pipel.

Nape: 'Palamen em i antap moa long judisiari'

Aja Alex Potabe i raitim

PALAMEN em i antap moa long judisiari bikos em i save yusim pawa bilong pipel bilong PNG long mekim ol loa bilong kantri taim judisiari i save tanim tok o intepretim ol dispela loa palamen i save mekim.

Palamen Spika Jeffrey Nape i tok palamen em i anatap moa o suprim na judisiari o kot i nogat pawa long makim praim minista we dispela em i wok bilong palamen aninit long Mama Loa bilong PNG. Nape i tok long Disemba 12 taim 3-pela jas bilong

Suprim Kot i bin putim Gren Sif Sir Michael Somare i go bek long sia bilong Is Sipik olsem praim minista bilong PNG, dispela pasin i klostu karim bikpela birua i kam long kantri bikos kot i bin brukim Seksen 99 bilong Mama Loa long mekim dispela disisen. Seksen 99 i tok long seperesen bilong pawa. Seperesen bilong pawa i minim olsem kot bai nonap mekim disisen o wok we palamen inap long mekim long en. Tasol taim Suprim Kot i bin putim bek Sir Michael olsem praim minista, Nape i tok kot i bin brukim loa na mekim disisen we palamen inap long mekim.

Dispela i min Suprim Kot inap long askim palamen long putim bek Somare long sia bilong Is Sipik tasol bikos sia bilong en i bin raus pinis long Disemba 9 taim NEC i mekim amendmen bilong PM na NEC Act, we dispela loa i givim tok orait long rausim stret Sir Michael long palamen. Nape i tok pawa bilong pipel i stap long palamen wantaim ol memba, na palamen i bin soim dispela pawa gen taim ol i rausim Gavana Jeneral long Disemba 14 taim Gren Sif Sir Michael Ogio i no bin bihainim edvais bilong palamen aninit long Seksen 142 (2) bilong Mama Loa.

Nape i bin kamap eking Gavana Jeneral aninit long Seksen 94 bilong Mama Loa bikos Ogio i no bin stap long luksave long O'Neill-Namah Gavman. Em i tok long Disemba 19 Gavana Jeneral em yet i bin painimaut olsem em i kisim rong edvais bilon Stet Solisita, Daniel Rolpagarea, na Gren Sif Ogio em yet i rait i go long Palamen Spika long tok sore. Palamen i rausim saspensen bilong Ogio long dispela taim na em i luksave long O'Neill-Namah Gavman olsem tru tru gavman husat i gat pawa bilong pipel long makim o rausim praim minista.

Taim Ogio i luksave long O'Neill olsem praim minista, Nape i tok dispela i soim gen olsem palamen em i antap tumas long judisiari o kot bikos palamen i gat pawa bilong ol pipel na em i save mekim ol loa we kot i save intepretim. Nape i tok palamen i holim strong pasin demokrasi long PNG. Sapos palamen i no bin soim dispela pawa bilong en, PNG inap long kamapim wanpela bikpela politikel birua namel long Somare na O'Neill. Tasol PNG em stap strong olsem ol arapela demokratik kantri bikos long pawa bilong ol pipel.

Sir J no wanbel long senisim PM na NEC loa

i kam long pes 1

Husat man i abrusim 72-pela krismas i no nap long holim opis bilong praim minista bilong PNG. Taim O'Neill i laik ridim dispela amenmen bil long namba tri taim bihain long em i kamap loa, Sir Julius i belhat nogut tru na singaut strong long namba tu Palamen Spika Francis Marus long autim tingting bilong en. Tasol 61-pela memba i vot long mekim dispela amenmen bil i kamap loa. Nau wanpela memba bilong palamen husat krismas bilong en i 72 o moa bai dispela loa i tok nogat long em long kamap praim minista. Sir Julius i tok palamen i no inap long mekim dispela kain loa bikos em bai rausim rait bilong pipel aninit long Mama Loa long makim lida bilong ol. "Dispela em i wanpela pret samting yupela laik mekim. Praim minista yu rausim dispela bil, ting ting gut na mekim ol ara-

pela gutpela senis. Yupela husat tru long skelim olsem memba husat i gat 72-pela krismas i no fit long kamap praim minista. "Yupela mekim wanem samting tru long tokim mi na kantri tu olsem yupela fit stret?" Sir Julius i askim palamen wantaim bikpela belhevi. Em i tok O'Neill i liklik mangi tumas long pasim dispela kain loa o lejislesen bikos tingting bilong man husat i gat 72-pela krismas i wankain olsem ol yangpela man, na tu em bai gat planti ekspirens long ronim gut kantri. Em i no wanbel stret na askim Praim Minista long rausim dispela loa, o larim ol Konstitusenel Plening Komiti (CPC) i skelim. Tasol ol memba i pasim dispela amenmen bil wantaim 61-pela vot taim Sir Julius em yet, Sir Bob Danaya na Dokta Moses Manwau tasol i vot agensim dispela.



STRONG YET: Maski O'Neill-Namah kem i gat ol namba, na ol i tok ol em tru tru gavman bilong kantri, Gren Sif Sir Michael i strong yet olsem Suprim Kot i tok klia pinis long sindaun bilong en aninit long mama loa. Sir Michael na kabinet bilong em i sanap strong yet olsem ol i wetim tasol O'Neill na lain bilong em long lusim sia bilong gavman, bai ol i ken go bek long Palamen haus. *Poto: Nicky Bernard*

Kastoma Kona autim Citifon

'YELLO' kona long Vision City Soping Mol em i wanpela i pulim stret ai wantaim strongpela yelo-pela kala bilong Citifon, mobail servis bilong Telikom PNG.

Dispela hap kona bilong ol kastoma bai stap long

mun Desemba, i go inap long nupela yia bilong halivim ol kastoma i luk-save long Citifon mobail servis, na nupela Wimax 4G-spid intanet. Dispela spid bilong intanet, em i namba wan spid bilong en long kantri.



Hia em ol wok-manmeri i bisi tru long sevisim ol kastoma bilong Citi fon.

Planti pipel long Lae Taun i no amamas long Somare kamap praim minista

Paulus Tali i raitim

KLOSTU 500 manmeri long Lae Taun i no amamas long Gren Sif Sir Michael Somare i kam bek olsem praim minista.

Ol pipel long Lae i tok em tasol i bagarapim gavman, na watpo bai em i kam bek.

Ol i tok long sotpela taim, gavman bilong Peter O'Neill i mekim gut tru, na pipel long Morobe provins i amamas

long gutpela wok em i mekim.

"Sif, mipela i rispektim yu, tasol yu gat sik long bodi, olsem na givim sans long O'Neill Gavman long ronim kantri i go long 2012, na yumi lukim ileksen. Mipela lain long Morobe luksave long yu, tasol inap yu step daun olsem PM, na larim O'Neill-Namah i ronim Gavman na moa senis bai kam long PNG. Kantri i nidim kain man olsem Peter O'Neill, na i no Somare," ol i tok.

Lusim pasin nogut na kamapim gutpela sindaun

Paulus Tali i raitim

EVANJELIKAL Luteran Sios, Warangoi Peris Yut Lida, Robin Lenke, i mekim dispela toktok long Krismas Yut Baibel, Yut Kem long Wanga Wanga peris, Is Nu Briten, las wik.

Baibel kem i stat long 16, na i go pinis long 18 Decemba 2011.

Lenke i tok wok bung bilong yut long Waragoi peris i no go het long karimaut wok felosip insait long sios, famili na haus-lain long ol Kristen manmeri bilong Evangelikel Luteran Sios.

Em i tok, ol yut i wokim pasin

nogut, yusim spak brus, Hombru, raskel pasin i bagarapim sindaun bilong ol.

Lenke i tok, as bilong kirapim dispela Baibel kibung i bilong strongim ol yangpela manmeri long sanap strong long karimaut wok bilong Sios go het bai daunim pasin nogut long komyuniti. "Mipela laik wok bung wantaim ol arapela sios long komyuniti long daunim pasin nogut noken kamap long ol komyuniti," Lenke i tok.

Em i tok, Baibel Stadi em i namba wan taim long kamap bilong Wangawanga peris long helpim sindaun bilong ol man-

meri long hap bilong ol.

Em i tok, aninit long het tok Diwai Kros em i strong bilong Papa God (Korin 1-18) long kirapim ol yut long Gro wokim wok bilong Sios i go long peris bilong ol.

Lenke i singaut long ol yut long noken smukim spak brus, dring Hombru, bihainim lek mak bilong Jisas Krais long wokim gutpela pasin long kirapim gutpela sindaun long ol komyuniti bilong ol. Dispela kibung i no bilong ol Waira tasol nogat! Bung ya i lukim ol Tolai, Bogenvil, Nu Ailan na arapela ples i stap long en.



Goroka luteran Distrik redi long hostim 27th sinod

Paulus Tali i raitim

GOROKA Distrik bilong Evanjelikal Luteran Sios long PNG, bai nau redi long lukautim Namba 27 Luteran Konpresns, we las yia, Yabim Luteran Distrik i bin lukautim long Martin Luther Seminari long Lae.

Sinod, em i wanpela bikpela bung bilong sios, we ol Kristen manmeri i kam long 17-pela distrik bilong sios bai bung na toktok moa long ol salens ol i bungim, na tu, glasim sindaun bilong sios long kantri, na wanem ol nupela wokabaut em bai mas bihainim long bihain taim.

Long lukluk bilong Goroka Distrik, ol Kristen bilong 8-pela seket bilong en nau i go pas long stretim kaikai na sponso sapot i kam yet long ol arapela Kristen manmeri long bisnis sekta.

Sinod bai kamap long Nesenel Spot Institut (NSI).

Het Bisop bilong Luteran Sios long PNG, Revren Giegere Wenge, husat i bin kamap long mun Septemba dispela yia long lukim wok redi bilong Goroka Distrik, i diklerim graun long NSI long ples sinod bai kamap.

Het Bisop Wenge i tok tenkyu long wok wanbel ol eksektiv aninit long stia bilong Siaman bilong Sinod komiti, Brian Koningi, husat i kamapim gutpela wok tru long 8-pela seket, i tok wok redi i kamap gut.

Sios lida askim Se Michael Somare na Spika Nape long lusim wok

INSAIT long ol hevi na paul pasin ol pipel long PNG i stap long en bikos long politikel lidasip pait ol top lida bilong yumi i stap, singaut i go long Gren Sif na papa i painim dispela kantri na longpela taim praim minista, Se Michael Somare, long tingim pipel, kantri na helt bilong em na lusim wok.

Na wankain askim i go long Palamen Spika, Jeffrey Nape, long lusim wok bikos sampela disisen em i wokim i no gutpela.

Asbisop Panfilo bilong Rabaul Katolik Asdaiosis i wokim dispela singaut long wanem, pipel long kantri i paul i stap long wanem, nau yet, PNG i gat tupela praim

minista, maski Kot, Palamen na Gavana Jenerel i tokaut pinis husat i praim minista aninit long loa.

Long las wik Mande, Suprim Kot i tokaut long disisen bilong em olsem Se Michael Somare i praim minista aninit long loa na em bin mekim tok promis olsem em i kisim opis long Gavana Jenerel, Se Michael Ogio.

Long wankain taim, Palamen i bin mekim vot na makim Peter O'Neill olsem praim minista wantaim 69-0 vot.

Orait, tupela sait i pulim pait we Se Michael i tok em i praim minista bikos long Suprim Kot disisen long mekim em i gavman i gat liklik lain memba.

Na O'Neill husat i gat moa memba na namba i strongim olsem Palamen i makim em na em i praim minista aninit long loa.

Tasol long dispela wik Mande, kem bilong O'Neill i rausim tok em i putim long rausim Se Michael olsem Gavana Jenerel na putim em bek long wok bilong em.

Olsem na Gavana Jenerel Se Michael i senisim tingting gen long dispela wik Mande na tok Mista O'Neill em i gavman aninit long loa.

Em i tok em i wokim dispela disisen bihain long em i skelim planti tingting we ol loya na save lain i bin givim em.

Asbisop Panfilo i tok dispela

em i taim bilong hevi long kantri, na sios i wari long welfea bilong ol pipel na moa yet, ol liklik na ol lain husat i save karim bikpela hevi taim ol hevi i save kamap.

Asbisop i autim tok amamas long pipel bilong dispela kantri long ol i stap isi long dispela taim bilong hevi na rispektim o luksave olsem loa i karamapim yumi long gutpela bilong olgeta.

"Mipela i singaut long stap isis na luksave long loa. Mipela i singaut long ol politikel lida long tingim pipel pastaim ol i tingim ol yet na ol wok politiks bilong ol. Mipela i mas pre long wanbel na gutpela bel pasin i stap na daun pasin.

"Yumi mas stretim dispela long sait bilong politiks we tupela sait wantaim i kam na toktok," Asbisop Panfilo i tok.

"Stretpela samting long Se Michael Somare i wokim em long tingim pipel na kantri na helt bilong em, na risain o lusim wok. Na nupela gavman i ken sanap.

"Olsem hap long toktok long stretim ol samting long sait bilong politiks, Palamen Spika i mas risain long wanem, em i kamapim sampela bagarap long kantri.

"Yumi pre olsem Bikpela baigivim gutpela tingting, sirit bilong sevim pipel na i no pait long pawa, long ol politikel lida bilong yumi," Asbisop Panfilo i tok.

Gaubin Haus sik i kisim Krismas presen

GAUBIN Haus sik long Karkar Ailan long Madang provins i kisim gutpela krismas presen stret taim em i kisim wanpela eksrei na Kolorimita masin, ol marasin, yunifom bilong ol nes na K10,000 long baim moa marasin, long dispela wik Mande.

Melanisen Faundesen i bin baim eksrei masin na givim i go long Gaubin Haus sik we moa long 60,000 pipel i save kisim sevis long dispela haus sik.

Pastaim politisen na Madang Gavana, tasol nau i stap olsem wanpela sinia sitisen na bisnis man long Madang, Se Peter Barter, i tok planti ol biknem lain ges husat i bin helpim wantaim mani long baim ol masin, ol marasin na ol narapela samting bilong Gaubin Haus sik, i bin kamap long Gaubin long dediketim eksrei masin i go long memori bilong Don Kudan, pastaim i bin sekreteri bilong Luteran Helt Sevis na Sios Medikel Kaunsel.

Sampela ol bikman i gat long em ol dona na sapota i stap long Madang longpela taim olsem Simon Driver na Abela Famili bilong Melbourne, Lawrence Stephens bilong PNG Sustainable Limited, Sir John na Anna Middleton bilong Kulili Estates, i makim Evanjelikal Luteran Sios and Developmen Sevis, Cecele D'Dreover bilong DWU i makim Presiden Fr Jan Czuba, Sister Jenette i makim ol Holy Spirit Sisters, Ricky Kumong, we planti pipel long Kar Kar i klia gut long em, Noel Paul na Barbara Goodyear na planti moa pipel ol i askim ol long kam. Sampela em ol bin kisim Kalibobo Spirit long go witnesim henova na tekova



GAUBIN DONESEN: Wanpela long ol masin we ol lain nem bilong ol i stap i donetim i go long Gaubin Helt Senta long Karkar Ailan, Madang. Foto: Se Peter Barter

dedikesen bilong ol eksrei masin na ol narapela moa tu ol kolorimita to the Siaman of Gaubin Haus sik.

Se Peter i tok mak long mani ol bin donetim long baim eksrei na ol narapela masin em long K375,000 we ol biknem famili long Madang olsem ol Diver, Middleton na Barter famili i givim, PNG Sastenebol Developmen, wanpela dona man i no laik autim nem bilong em, Petromin Limited na Memoriel Kongriksen bilong Luteran Sios long Madang Taun.

Ol bin kirapim Melanisen Faundesen, wanpela NGO i save helpim ol pipel long ol rurel eria

we ol turis sip bilong Melanisen Turis Sevis (MTS) i save mekim ol ron bilong en long em.

Sevis we Melanisen Faundesen i save givim em long karim i go na tilim ol desk bilong ol skul na ol sumatin i ken sindaun gut long ol. Na mekim ol skul wok bilong ol.

Insait long 40 krismas we Melanisen Faundesen i wok long en, em i wokim na kisim moa long 28,000 ol dabel skul desk i go long ol komyuniti skul long Is Sepik, Madang na Milen Be provins.

Tu, Faundesen i save helpim Ned na Tabitha Memoriel Haus

sik na i no long taim i go pinis, em bin helpim ol wantaim K150,000 gren long stretim ruf bilong haus sik.

Narapela projek we Faundesen i bin pinisim em long Jenkins Memoriel Helt Senta na skul long Mamusi bilong ol Hagahai pipel.

Wantaim helpim bilong Maureen Hill husat i bin wok wantaim ol Roteri Klub long Australia, Ramu Nikel na ol narapela, Faundesen i skruim wok long helpim ol pipel bilong Madang na moa yet, long ol rurel longwe ples.

"Taim yumi kamap long Krismas taim, ol pipel bilong Gaubin i kisim gutpela Krismas presen lon g dispela taim bilong givim na taim bilong selebretim taim we mama i karim

Bebi Jisas.

"Wantaim taitel olsem bikpela sif mi bin kisim long Buka bihain long 9-pela yia olsem Minista bilong Bogenvil Afeas long 9-pela yia we mi bin kontribut long wok bilong painim gutpela sindaun long Bogenvil. Na taim yumi witesim gutpela sindaun long Kar Kar, yumi pre olsem gutpela tingting bai kamap na stap long Mosbi na Palamen. Na yumi ken soim rispek long papa bilong dispela kantri, Se Michael Somare, na luksave na belgut i ken stap long mekim dispela Krismas na Nu Yia i gutpela." Se Peter i tok.

Hevi i ken bagarapim demokrasi bilong yumi

TAIM yumi redi long selebretim bonde bilong Jisas long Krismas de, PNG i stap long hevi bilong Mama Loa we nau i mekim pipel i paul na i stap olsem samting i ken bagarapim demokretik gavman sistem bilong kantri.

Na singaut i go long ol lida bilong yumi long luksave na lukautim Mama Loa bilong kantri.

Asbisop bilong Katolik Asdaiosis bilong Pot Mosbi, Asbisop John Ribat i tok olsem insait long Krismas toktok bilong em aste.

Em i askim tu ol Katolik na ol Kristen lida long putim han wantaim na singaut long ol lida i sindaun na toktok long pinisim dispela politikel hevi we kantri i stap long en i lukim tupela lida i tok olsem ol i praim minista.

"Dispela samting i mekim kantri i stap long wari na ol i wok long pre long Bikpela i ken helpim long daunim dispela hevi long sait bilong politiks.

God i bin kam olsem lait bilong wol, na lait bilong em i ken givim lait long ples i tudak.

"Long nesenel level, ikonomi bilong kantri i kam gut, wantaim PNG LNG Projek, tasol pipel husat i kisim ol gutpela samting i laikim gutpela helpim na stia long go hetim gut laip.

"Ol bai laikim gutpela helpim na stia na awenes long yusim gut ol samting na bildim laip bilong ol wantaim luksave i go long ol narapela na ples ol i stap long en.

"Kwesten pipel i wok long askim em, PNG LNG projek em i wanpela blesing o samting nogut.

"Taim ol papa graun na ol ples lain i wok long kisim bikpela mani i kam long PNG LNG projek, hevi i wok long kamap long sait bilong loa na oda, kalsarel na rilijes velyu, nogat luksave long ol lida, kilim ol narapela long stretim hevi," Asbisop John i tok.

Modilon Haus sik kisim lewa monita masin long Ramu NiCo

Mathew Yakai i raitim

BIKPELA nikel main developa long Madang provins, Ramu NiCo, long Tunde i soim gutpela pasin tru tain em i givim wanpela haitek kadiak p lewa monita masin i go long Modilon Jeneral Haus sik long Madang provins.

Dispela nupela masin Ramu NiCo i givim bai helpim Modilon Haus sik long Intensiv Kea Yunit (ICU) long sekim ol tempresa long bodi bilong ol manmeri, blut presas, na ol narapela presas bilong hat na lewa na ol arapela hevi long bodi.

Dairekta na Eksekutiv Vais Presiden bilong Ramu NiCo, Gu Yuxiang i givim dispela ol masin wantaim pawa-monita i go long ekting sif eksekutiv ofisa (CEO) bilong Modilon Hausik.

Siaman bilong Modilon Jeneral Haus sik na Presiden bilong Divain Wod Yunivesiti (DWU), Pater Jan Czuba, na ol medikal opisa bilong Modilon i bin stap long dispela presentesen seremoni..

Long taim bilong givim ol dispela masin, Mista Gu i tok Ramu NiCo Menesmen i kamap wantaim disisen long helpim ol pipel bilong Madang

bihain kampani i luksave olsem haus sik i nidim tru dispela ol masin long mekim wok bilong en.

Mista Gu i tok Ramu NiCo i wok long helpim ol lain papagraun long ol eria we wok maining i karamapim insait long las 4-pela yia na em i gat plen long helpim ol arapela eria insait long Madang provins taim em i go insait long wok operesen bilong en. Na dispela em wanpela gutpela eksampel long ol helpim Ramu NiCo bai givim i go long komyuniti insait long Madang provins.

“Long nau yet, mipela i stap long konstraksen na wok bilong komisanim, na maski olsem mipela i hat liklik long helpim long baset bilong mipela, mipela i wari na sore long komyuniti na mipela i laik givim helpim,” Mista Gu i tok.

Em i tok tu olsem Ramu NiCo i save kisim helpim tu i kam long ol hatwok medikal wokman meri bilong Modilon Haus sik, olsem na kampani i laik helpim long strongim wok bung namel long tupela lain.

Dispela masin em bai sekim level bilong hat, tempresa o o tuhat na kol bilong man taim em i sik.

Pater Jan Czuba i givim bikpela tok tenkyu i go long Ramu NiCo makim pipel bilong Madang long dispela

gutpela helpim kampani i givim.

“Mipela i amamas tru long Ramu NiCo (MCC). Dispela gutpela wok patnasip namel long haus sik na Ramu NiCo bai go strong yet na dispela bai strongim tu gutpela wok long helpim ol pipel bilong Madang,” Pater Jan Czuba i tok.

Mista Gu bilong Ramu NiCo wantaim Pater Jan Czuba i wanbel tu long kamapim wanpela kain agrimen pepa namel long haus sik na Ramu NiCo long lukim olsem i gat rot i stap namel long tupela lain long wok patnasip long stretim ol helt hevi.

CEO Sister Gawi long taim em i givim dispela ol donesen i givim bikpela tok tenkyu i go long Ramu NiCo na tok olsem dispela ol masin em ol i nidim tru na ol masin ya bai helpim ol manmeri o pesen long haus sik.

“Mipela i amamas long ol dispela nupela masin. Mipela bai yusim ol long ICU na ol isi long karim na muvim. Mipela tok tenkyu tru long Ramu NiCo,” Sista Gawi i tok.

Em i tok tu olsem moa wok bung mas kamap namel long Ramu NiCo na Modilon Haus sik long ol yia bihain.

Long las yia Ramu NiCo i givim K10,000 i go long stretim X-rei main long tieta long Modilon Haus sik.



LEWA MONITA MASIN: Dokta Meng Ming bilong Ramu NiCo i soim wok bilong masin long CEO bilong Modilon Haus sik, Christine Gawi.

Sik kenHai blut presas i ken kamapim kensa long kru: Ripot i tok

OL PIPEL i gat hai blut presas i stap long mak bai ol i gat sik long kru bilong ol, wanpela nupela ripot i tok.

Wol Kensa Fan i bin fandim ol risets lain bilong tripela kantri olsem Austria, Norway na Sweden long kari-maut dispela stadi ripot we ol i bin kisim blut presas mesamen bilong 580,000 pipel na lukim sapos ol lain i developim kensa long kru o nogat.

Ripot i bin painim olsem 1,312 pipel i bin stap long wok stadi

olsem ol i gat kensa bilong kru. Dispela em taim ol i wokim tes long ol 10-pela yia bihain ol bin karimaut stadi ripot.

Ol saientis i tok, tru, ol i intres long risal bilong wok stadi long wanem, i nogat planti infomesen watpo kensa bilong kru i kamap, na moa risets i mas kamap pastaim ol i tok hai blut presas i kamapim kensa long kru.

Ripot i tok maski sapos ol i konfemim wok painim long dispela stadi o nogat, i gat ol gutpela as

long watpo hai blut presas i no gutpela samting.

“Taim moa risets i mas kamap long link namel long blut presas na kensa, yumi save pinis olsem hai blut presas i kamapim man i pondaun nating na dai na tu, sik long lewa. Na i gat strongpela tok klia olsem taim yumi kisim planti sol long kaikai na man i patpela moa, dispela bai mekim plut presas bilong yu i go antap, na wankan tu long sik kensa,” stadi ripot i tok.

a quality product of The Coca-Cola Company

NATURE'S OWN™

Purified Water

Sapotim tokaut bilong HIV na AIDS!

Coca-Cola Amatil i makim K200,000 olsem moni mak, na mipela askim olgeta man na meri bilong Papua Niugini long sapotim dispela kempein.

Taim yu baim wan wan Nature's Own botol wara, Coca-Cola Amatil bai givim halivim long wok bilong National AIDS Council.

Get a HIV test and Plan your future. Visit a VCT today

PNG MADE



Yut, Meri na Famili wantaim Lorraine Siraba

Sapotim ol yangpela meri lida

MI BIN stap long Vanimo long skelim wanpela "Peer" edukesen trening bilong ol yut i no skul na ol sios patna we Yunaited Nesens Populesen Fan (UNFPA) i bin sponsaim.

Sios patna bilong mipela em, Sandaun Ministas Frateniti na yangpela meri em Janette Mewi, i bin karimaut tupela trening ya.

Tru, i bin gat ol liklik salens, tasol ol trening i bin ron gut tasol. Mi bin glasim kodinesen na karimaut trening we wanpela yut i no skul i wokim na dispela we sios i mekim. Sios bodi em em i ogenais na em i gat ol risos long sapotim em taim ol yut i no skul i nogat samting. Na em i lukluk long helpim na sapot bilong ol patna na em i ken developim lidasip skil em i gat long en.

Yangpela meri long Vanimo i bin inap long ranim gut trening woksop long wanem, em i gat gutpela sapot long famili bilong em i bin givim gutpela stia na long sait tu bilong lojistik. Provinsel AIDS Kaunsel na Deputi Gavana husat i bilip long lidasip bilong Janette i bin givim em teknikal sapot, go pas long sampela sesen bilong woksop na givim ples bilong holim woksop long en na ol yut bilong Sandaun i ken kisim na lainim gutpela samting long en.

Ol yangpela meri i ken kamap ol gutpela lida, tasol planti i no save kisim sans na sapot long developim save na ol samting we ol i ken mekim. Insait long wanpela wok painim we YWCA long Pasifik i bin karimaut, ol bin luksave olsem long PNG, ol samting we i banisim ol yangpela meri long developim lidasip bilong ol em, vailens o pasin paitim na bagarapim ol meri, tumbuna kastom na pasin, no luksave long samting we meri i ken mekim, no save long rit na rait, hevi long famili na i bruk na sot long mani samting. Dispela i bikpela hevi na wari we i stopim ol yangpela meri long kontribut long developmen bilong kantri, stopim pasin bilong daunim ol meri, lidasip na trupela demokrasi.

Bikos long sapot Janet i kisim long famili na stekholda long karimaut trening, nau em i gat "confidence" o i no sem long toktok long ai bilong planti pipel, i gat network, lainim long wokim plening, ogenais, kodinet na go hetim ol wok. Dispela olgeta skil em i gat nau.

Janette nau em ol i makim em long Rijinel Konsaltesen long Bangkok, Tailen neks wik. Long dispela bun, ol bai toktok long Seksualiti na Jenda na bikpela lukluk i go long ol liklik meri i go kamap yangpela meri. Dispela em i bikpela samting long yangpela meri i kam long provins we i nogat gutpela developmen i kamap long en, tasol em i kamap bikos sampela liklik lain i gat bilip long lidasip bilong em.

I gat planti Janet i stap tasol ol i laikim sapot bilong yumi. Yumi sapotim na givim ol stia na PNG i ken kamap gutpela ples we man na meri i wok wantaim long developim.

Nogat inap memba long sapotim Bil

BIKOS i nogat inap memba long Palamen long vot long Bil bilong moa meri i go long Palamen, Bil i stap yet na ol i no tok oraitim.

Long dispela wik Mande, Palamen bung i sapos long kisim vot long 22 Risev sit bilong ol meri na sapos ol Palamen memba i tok oraitim, em bai kamap loa. Na long 2012 nesenel ileksen, 22 risev sit bai putim ol

meri i go insait.

Asua long Palamen i no bin tok oraitim Bil long dispela wik em, bikos long hevi i stap long politikel level na kem bilong Se Michael Somare i no bin go long dispela Palamen bung i laik kisim vot long tok oraitim moa meri long Palamen Bil.

Mosbi Saut memba na wanpela meri palamen memba i sapotim strong dispela Bil em wanpela tasol

long Somare kem i bin stap long Palamen.

Bil bilong ol meri i no kisim orait yet long Palamen i mekim ol meri long kantri i no amamas na ol i wari i stap, long wanem, ol i lukim olsem em i taim nau long maus bilong ol meri i mas stap wantaim ol man long mekim ol bikpela disisen long stiaim kantri.

Olsem na ol meri long PNG i wok long lukluk na

wet i stap long Palamen i tok oraitim long laspela taim, Bil bilong moa meri i go long Palamen na wok wantaim ol man lida bilong stiaim na developim dispela kantri.

Long las wiken Sarere, ol meri lida i bin bung long Palamen long toktok na glasim Bil na tu, singaut long ol palamen memba long tupela sait bilong gavman long sapotim dispela Bil.

O'Neill no amamas long Somare kem no sapotim meri Bil

PRAIM Minista Peter O'Neill i no amamas long kem bilong Se Michael Somare i no bin sin daun long Palamen long dispela wik Mande long sapotim Bil bilong ol meri vot.

Dame Carol Kidu em wanpela memba tasol long kem bilong Se Michael i kamap long bung, tasol i nogat inap memba long vot na tok oraitim dispela Bil.

Mista O'Neill i tok em i no amamas

long pasin we Somare kem i wokim long tingim ol yet na i no sapotim rait bilong ol meri, long i no go long Palamen sindaun long vot long Bil.

Long wankain taim, em i amamas long Dame Carol husat i bin stap long sindaun wantaim kem bilong O'Neill na vot long Bil we i no kisim tok orait bikos long nogat inap vot long mekim namba.

Bikos long pasin we Somare kem i

wokim, Mista O'Neill i tok i moa-beta long ol meri i no givim vot long ol dispela memba long nesenel ileksen bilong neks yia.

Em i tok Bil bilong putim moa meri long Palamen i bikpela samting moa long olgeta meri bilong dispela kantri na olgeta memba i mas sapotim long vot i kamap loa na moa meri i ken go long Palamen long 2012 nesenel ileksen.

Raun lukim ol Mama na ol Pikinini...



Save i Ken Helpim

- Tanim TV i dai



SINDAUN I GO: Meri ya i sindaun longpela taim lukim TV. Poto: Natur & Health megesin Wanpela stadi i soim olsem long wan wan awa yangpela o bikpela manmeri na pikinini i sindaun na lukim TV, bai wan wan long ol i stap long 18 pesen hevi bilong dai long sik long lewa (heart disease), maski ol i no patpela. Sindaun long longpela taim i sloim wok long bodi i brukim blut suga na ol gris we i save kamap taim ol masel i muv.

- Namba wan long marasin bokis bilong yu



NUPELA SKIN MARASIN: Marasin ya bai stretim sik long skin.

Nupela "Botani Phytoseptic Natural Anti-fungal cream" em i gutpela bilong olgeta kain sik bilong skin. Yu ken painim long ol helt fud stoa.

- Sage



PAWA HERB: Lukaut long dispela herb bai helpim yu.

Dispela em wanpela "herb" we i ken helpim daunim ol sik olsem kus na nek i sigirap na ol kain flu o sik we ol vairas o binatang i save kamapim. Rot bilong yusim dispela herb em long wokim strongpela miks long wara na lip bilong sage we yu kisim long maus na yusim long klinim maus na nek tupela o tripela taim insait long wanpela de. I kam long Nature & Health megesin-June-July 2011.

Pipel i mas strongim prea na bilip

PIPEL bilong dispela kantri i kisim strongpela askim long strongim lotu na stap wantaim belgut taim kantri i stap long hevi bilong politik, judiseri (loa) na eksekutiv gavman.

Modereta bilong Yunaitet Sios, Reveren Se Samson Lowa, i tok olsem bihain long Suprim Kot disisen i bin putim Se Michael Somare olsem praim minista long las wik Mande.

"Yumi mas strongim bilip na stap wanbel," Reveren Se Samson i tok.

"Kantri i mas kirap na luksave olsem dispela em ol spiritual hevi we yumi pait long en long lejisletsa, judiseri na eksekutiv gavman system long demokrasi bilong yumi. Man nogut, Satan, i kam long kilim na bagarapim yumi," Reveren Se Samson, i tok.

Em i tok yumi noken givim Satan spes long bagarapim yangpela demokrasi bilong yumi.

"Sapos yumi ol lida i wokim asua, yumi mas daunim yumi yet na autim ol samting

i no stret yumi wokim na bai yumi kisim strong long givim gutpela lidasip long pipel we disisen bilong Suprim Kot i wokim.

Em i strongim pipel long long pre kisim strong long Bikpela husat i kontrolim olgeta samting, maski yumi ting olsem yumi nogat control moa.

"Sapos yumi tok yumi wanpela Kristen kantri, i moabeta yumi mas gat bilip long Bikpela long dispela taim ol bikpela politikel hevi i stap wantaim yumi," Reveren Se Samson Lowa, i tok.



STORI TASOL

wantaim

Fr Paul Liwun

PNG: Pipel laikim Bikman

LONG Mande Disemba 19, 2011, mi bin go long opis bilong we Asdaiosis bilong Pot Mosbi i stap long en. Bihain, mi lusim opis na i go long pos opis long kisim ol pas bilong mi.

Long fran bilong pos opis, tupela man i wok long somapim ol su i bagarap long en. Mi gat su i bagarap pinis long kar i stap, na wantaim dispela mi bin werim tu i bin bagarap, mi givim long tupela i somapim wantaim. Ol i mekim gut tru olsem na tupela su bilong mi nau i kamap gutpela nau.

Long kilim taim bilong wetim ol long samapim su, mi baim National Niuspepa na ridim i stap. Bikpela nius em i tupela praim minista bilong yum i strong long sait bilong ol yet. Long hap bilong komenter, wanpela man i bin raitim olsem, tupela Peter O'Neil na Gran Sif, Se Michael Somare, i pait long pawa olsem hai skul mangki i pait long fil o ples bilong pilai.

Narapela i mekim komen olsem tupela praim minista i olsem dog i pait long wanpela bun. (Lukim The National 19 Desemba 2011, pes 50).

Tupela man i somapim su, i bin ritim pinis stori bilong National Niuspepa. Bihain, narapela pren bilong ol i kam na sindaun wantaim ol na i toktok long politik bilong O'Neil na Somare. Ol i toktok long ol yet olsem Sepik na Sauten Hailans i pait long kisim pawa bilong praim minista. "Larim tupela i pait. Tupela i no givim yumi kaikai tude o tumora o long taim bilong Krismas. Ol i no save olsem yumi mangki nating i hat wok long somapim su na baim kaikai bilong yumi yet. Maski, wari long ol."

Wanpela i tok: "larim 'lapun' i pinisim taim bilong em olsem Praim minista inap long ileksen neks yia". Narapela i tok: "em i lapun pinis ya. Larim yangpela i go pas long kantri. Save bilong em i pinis. Em i no inap movim kantri moa. Olsem na maski long sanap kamap memba o praim minista gen. Em i tingim narapela i no inap lidim kantri a?"

Wanpela samting mekim mi kirap nogut, taim pren bilong ol i tokaut olsem tupela praim minista i no save long mining bilong PNG. PNG em i Pipel Nidim God. Pipel i no nidim praim minista bikos ol i bagarapim laip bilong manmeri nau. Pipel i no bilip long memba bilong Palamen. Bikos sampela i olsem drai lip bilong diwai i go long wanem hap, taim win i winim i go long wes, em i bai bihainim. Win i winim go long Ist, drai lip bai plai tasol i go long is.

Dispela tripela man i tok planti manmeri i no save yet mining bilong PNG; Pipel Nidim God. Pipel i nidim God long lukautim manmeri na kantri bilong yumi. Ol it ok: "Tru tru! Nau manmeri i nidim God. "Pipel Nidim God, i no praim minista. Praim minista na memba bilong Palamen i hangre long pawa tasol. Ol i bilip long pawa bilong ol yet, ol i no bilip long pawa bilong God olsem na wok bilong ol i bagarap nau!"

Wanpela bikpela hevi long PNG – i nogat wanpela loa i tok olsem: Hamas yia wanpela man o meri i stap long memba bilong Palament o kamap praim minista. Fada bilong kantri i no mas kamap praim minista inap long em i dai.

Yumi wok yet long sistem bilong kantri bilong yumi. Yumi mas kamapim loa olsem hamas yia wanpela i kamap memba bilong Palament o praim minista. Sapos nogat dispela loa, planti bai kamap memba inap long ol i dai.

Dispela em tingting bilong grasrut. Ating, tingting bilong ol i stret, PNG: Pipel Nidim God.

Gutpela amamas bilong Krismas i ken stap wantaim yupela, na mi askim yumi long tingim gen mining bilong kantri bilong yumi: PNG – People Need God.

Ol yangpela i sindaun long lusim drag woksop



DRAG WOKSOP: OL lain i bin sindaun long drag na alkohol woksop long Kefamo. *Poto: Lorraine Basse*

NESENEL Katolik Famili Laip Apostulet (NFLA) long Goroka i bin helpim 24 pipel i bin sindaun long wanpela woksop long kisim save long luksave olsem drag o spakbrus i ken bagarapim laip bilong man.

Long las wik, 24 pipel bilong isten Hailans provins i bin sindaun long tripela de woksop long Kefamo Pastorel Senta (KPC) long Goroka we i bin stat long Disemba 9 na pinis long de namba 11.

Bruder Martin Tnines SVD na Sister Paula Paulidia i bin helpim NFLA long ranim dispela woksop.

As tingting long ranim dispela woksop

em long givim skul na save i go long ol lain i sindaun long woksop olsem ol drag i ken bagarapim laip bilong man.

Wantaim het tok, "Tingim Laip! Lusim Drag na kamapim Gutpela Famili, ol lain i sindaun long woksop i bin kisim ol infomesen na sindaun skelim ol toktok long bagarap we ol drag i kamapim long bodi bilong man.

Long ol toktok we ol bin givim long woksop, ol bin lukluk long ol eria olsem "Mi husat? Taim na risos menesmen, Ol rait bilong wanwan man na grup na wok, Tobako, alkohol na mariwana na kamap

papa long laip bilong wan wan na laip i naispela samting.

Joseph Bare i wanpela long ol i bin sindaun long woksop i tok planti ol mangki i sindaun long woksop i klia long bagarap we ol drag i kamapim long ol, na ol i kamap long woksop long traime senisim pasin bilong ol.

"Planti long mipela i save yusim ol drag na mipela ol drag bodi. Em i hat long mipela long lusim dispela samting, tasol mi amamas long kam sindaun long dispela na kisim ol skul," Mista Bare i tok.

Sen Michael's peris lukim sampela developmen

Paul Liwun SVD i raitim

SEN Michael peris Hanuabada i wok long lukim sampela wok kamap long dispela taim.

Peris i bin kamap long yia 1926, wantaim nambawan Katolik skul insait long Mosbi. Nau ol isi isi redim ol yet long selebretim wan hundred yia long sampela yia bihain.

I gat sampela developmen i kamap nau.

Ol i wokim ston wol na banis long fron bilong haus lotu, na wokim kamap bikplea liklik spes long fron bilong haus lotu. Haus lotu bilong ol i stap antap long solwara.

Long mun Julai las yia (2010), lain pater bilong Divine

Word Missionary (SVD) i bin lukautim dispela peris. Pater Paul Liwun SVD, em i nambawan SVD pater i kamap peris pris.

Wanpela yia i go pinis, na nau ol i bin wokim ileksen long makim Peris Pastorel Kaunsel (PPC), na olgeta lida bilong wan wan komyuniti na spirituel grup.

Bihain long wokim wanpela de bilong rikoleksen long Sunday 11 Disemba 2011, Peris Pastorel Kaunsel i bin wokim promisi bilong komitmen bilong ol long wok bung wantaim peris pris long developim sait bilong spirituel na fisikel bilong peris.

Why the political power and money game?

THE PNG Constitution, just like any other written constitution, is a political document that has the force of law.

You can compare our constitution with the Book of Genesis.

Where Genesis is all about creation of the world, our constitution is firstly about creation of a nation, and how the nation must conduct its business of government. In effect the constitution is a code of rules.

Let us take the game of soccer for instance. In a soccer game, there is the referee, who controls the game to ensure that the game is played by the rules. In our case as a nation, we have the judges who play basically similar roles as the referee. And whereas the referee is there to ensure that the soccer players comply with the rules of the soccer game, our judges are there to ensure that we the people conduct ourselves in the manner stipulated by the law.

What has happened to our nation just recently, is that we have two groups of politicians each claiming that it is the lawful government of Papua New Guinea.

Sir Michael's group was ousted by Parliament on 2/8/11 and a new Prime Minister was elected thus giving creating the second group, namely, the O'Neill-Namah group. Following that event, the Somare Group took the matter to the Supreme Court and asked the Court to decide if what Parliament did on 2/8/11 was constitutional or unconstitutional.



The Supreme Court Application was filed on 5/8/11 and all the parties to the case concluded their submissions or arguments on the 28/10/11. And the Court was adjourned to 9/12/11 for the five senior judges to make their decision or ruling. Thus, by the time the decision was handed down on 12/12/11 the O'Neill-Namah government had been in power for over 4 months.

The Supreme Court ruled that the lawful Prime Minister was Sir Michael Somare. And the Court also ruled that Peter O'Neill's appointment was unconstitutional. The Court was split 3 in favour of Sir Michael and 2 against. The 2 judges against Sir Michael are Gibbs Salika, the Deputy Chief Justice, and Bernard Sakora, a Senior Judge.

Salika DCJ argued that the NEC was largely at fault in keeping Parliament and the public at large in suspense over the matter of Sir Michael's health so what Parliament did on the 2/8/11 was somewhat justifiable. His Honour did not attend to the legal issues raised in the Application. Rather His Honour's decision is more like the political views expressed by the O'Neill-Namah group. Had his Honour concentrated strictly on the legal issues raised, he would have come to the

same conclusion as the other 3 judges.

And as for Judge Sakora, his argument was largely that the events of 2/8/11 had come and gone and a new order was in place so that the Court should not dwell on the events of 2/8/11, but look beyond that to recognize the new order of things, namely, that there is a new government in place. Thus, he relied on the legal principle of state necessity to allow the new government to remain in power.

Thus, judge Sakora said this has happened in some African countries and Pakistan where a illegal government takes over power and the legal system accommodates that government because the new government is in effective control of the institution of state and the machinery of government.

Again Sakora J did not attend to the legal issues raised in the Application. He appeared to have glossed over the issues and concentrated on justification for allowing the new regime to remain in power. Had he concentrated on the legal issues, he would have come to the same conclusion as the other three judges, Injia CJ, Gavara-Nanu J, and Kirriwon J.

The above three judges concentrated on the legal issues raised namely, whether the creation of a vacancy in the Office of the PM was in compliance with the constitution, and secondly, whether the appointment of Peter O'Neill as the new PM was also in compliance with the Constitution. And on both these issues the three judges made the

ruling that Parliament had no power under the constitution to create a vacancy in the Office of the PM where there is an existing PM and in his absence, there is a lawfully-appointed Acting PM, therefore the appointment of Peter O'Neill was null and void and of no legal force and effect.

However, the final orders issued by the Supreme Court was the orders of the Supreme Court and that means the full court comprising the five judges. And the principal order was that Sir Michael Somare should be reinstated forthwith and Peter O'Neill should also vacate the Office he was holding illegally. However, Parliament responded by passing a law that said the events of 2/8/11 were legal and not illegal. And in case there was any doubt, they re-elected O'Neill as the PM.

The new law passed by parliament is of doubtful legal effect, in that again the constitution may have been violated in parts, because parliament cannot pass an ordinary legislation to have the effect of a constitutional amendment. In order to amend the constitution, parliament must pass a law called a constitutional amendment by following the procedures set down in the constitution. However, it would appear that the Somare camp is not taking the matter back to the Courts because the situation now is that the O'Neill government does not intend to give up power that easily and will do anything and everything under the sun to remain in power.

And what is the driving force behind this political and legal turmoil in this country.

Behind all this political crises is the politician's desire to wield power over others, accessing the National Treasury for funds to conduct their election campaign for next year, and the perks of office.

Yes, the O'Neill government dished out K500 million in 90 days after taking Office but we do not have any information on the recipients and what that vast sum of money was for. And they continue to hand out large sums of money and that leaves people wondering if it all boils down to a money-game waged by both sides.

Whatever the political game is, we must not lose sight of the fact that we have a written constitution which provides the framework within which the game of politics must be played. And then we have the judges who must play the role of a referee to ensure that the game follows the rules.

In that sense, we insist that the judiciary must not be attacked publicly for that role it has to play under the constitution.

Above all, the constitution must be respected.

If you want to change the constitution, then you must follow the procedures set down in the constitution to amend the constitution.

All governments must respect the constitution and all constitutional office holders.

Watpo na i gat politiks pawa na mani pilai?

PNG Konstitusen o mama loa, wankain olsem ol arapela konstitusen long wol we ol i raitim, em i wanpela politikal dokumen o pepa we i karim strong bilong loa.

Yu ken lukim konstitusen bilong yumi, wankain olsem Buk bilong Jenesis.

We Jenesis i stori long kamap bilong wol, konstitusen bilong yumi, i stori long kamap bilong wanpela kantri, na we dispela kantri i mas mekim wok gavman bisnis bilong en. Em nau, konstitusen em i wanpela lain rul o loa bilong bihainim.

Yumi lukluk long pilai soka. Long wanpela soka gem, i gat wanpela refri, husat i save kontrolim gem, bai gem i pilai bihainim ol rul bilong pilai. Long sait bilong kantri bilong yumi, mipela i gat ol jas husat i mekim wankain wok olsem refri. Na we refri i stap bilong stiaim ol soka pilaia long bihainim stret olgeta rul bilong soka gem, ol jas bilong yumi i stap long stiaim ol pipel bai ol i bihainim stret pasin i stap long ol loa bilong yumi.

Samting i kamap long kantri bilong yumi, em mipela i gat tupela grup politisen, we wan wan i wok tok olsem ol i tru tru gavman bilong Papua Niugini.

Grup bilong Sir Michael em ol i bin lusim Palamen long 2/8/11, na palamen i votim nupela praim ministra, na grup bilong O'Neill na Namah i kamap. Bihainim dispela, Somare Grup i kisim ol arapela i go long Suprim Kot, na askim Kot long sekim sapos samting Palamen i mekim long 2/8/11 i bin bihainim konstitusen, o nogat.



Suprim Kot Aplikesen, ol i failim long 5/8/11, na olgeta lain long dispela kot i pinisim ol sabmisen o kes bilong ol long 28/10/11. Kot i malolo i go inap 9/12/11, we faivpela sinia jas i mekim disisen o ruling bilong ol. Long taim dispela disisen i kamaut long 12/12/11, O'Neill-Namah gavman i lukautim kantri moa long 4-pela mun pinis.

Suprim Kot i mekim rul olsem tru tru Praim Minista, aninit long loa, em Sir Michael Somare. Na Kot i mekim ruling tu olsem makim bilong Peter O'Neill, i no bihainim konstitusen. Kot i bin bruk, 3 i tok yesa long Sir Michael, na 2 i go agensim dispela luksave.

Tupela jas i go agensim Sir Michael, em Gibbs Salika, husat em i Deputi Sif Jastis, na Bernard Sakora, wanpela Sina jas.

DCJ Salika i tok NEC i bin asua taim em i no tok klia long Palamen na pablik long helt sindaun bilong Sir Michael, na samting Palamen i mekim long 2/8/11 i bin gat as bilong en. His Ona i no bin lukluk long ol ligel isiu i kamap long dispela Aplikesen. Disisen bilong His Ona i moa wankain olsem ol toktok i kam long grup bilong O'Neill-Namah.

Sapos His Ona i bin lukluk tasol long ol ligel isiu i kamap, em bai painim wankain luksave na tingting

olsem ol arapela tripela jas.

Na Jas Sakora, tingting bilong em i bihainim moa olsem ol samting i kamap long 2/8/11, i kamap na i go pinis, na nupela oda nau i stap, bai Kot i noken lukluk tumas long ol samting i kamap long 2/8/11, tasol lukluk i go moa long luksave long dispela nupela oda, na moa yet, olsem i gat wanpela nupela gavman i stap pinis. Olsem, na em i lukluk long dispela loa astingting bilong 'state necessity', long larim nupela gavman i holim wok i stap.

Olsem na Jas Sakora i tok dispela i no kamap long sampela Afrika kantri na Pakistan, we wanpela ilegal gavman i kisim pawa na ligel o loa sistem i luksave long dispela gavman, bikos nupela gavman i bosim gut stet na masin o olgeta opis bilong gavman.

Em nau, Jas Sakora i no bin lukluk long ol ligel isiu i kamap long dispela Aplikesen. Em i lukluk abrusim tasol, na lukluk moa long astingting bilong larim nupela gavman i stap long opis. Sapos em i bin lukluk long ol ligel isiu, em bai kamap long wankain astingting na luksave olsem ol arapela tripela jas, Sif Jastis Injia, Jas Gavara-Nanu, na Jastis Kirriwon.

Dispela tripela jas i bin lukluk long ol ligel isiu i kamap bihainim, sapos kamap bilong vekensi o spes long Opis bilong PM i bihainim stret konstitusen, na namba tu, sapos makim bilong Peter O'Neill olsem nupela PM i bihainim stret Konstitusen, o nogat. Na long tupela dispela samting, ol tripela jas i mekim ruling olsem Palamen i nogat pawa, aninit long

konstitusen, long kamapim wanpela vekensi long Opis bilong PM, we i gat wanpela PM i stap yet long en, na taim em i no stap, i gat wanpela Ekting PM i stap, olsem na makim bilong Peter O'Neill i nal-en-voit, na i nogat strong na luksave aninit long loa.

Tasol, ol fainal oda i kam long Suprim Kot em ol oda bilong Suprim Kot, na i makim ful kot long olgeta faivpela jas. Na principal oda i tok Sir Michael Somare i mas kisim bek sia bilong em olsem praim minista, na Peter O'Neill i mas lusim Opis em i holim. Tasol, Palamen i bekim na tok oraitim wanpela lo we i tok ol samting i kamap long 2/8/11, i bihainim loa, na i no asua. Na sapos i gat sampela tubel tingting yet, ol i votim gen O'Neill olsem PM.

Nupela loa palamen i tok oraitim i gat askim yet aninit long loa, na dispela gen i kam aninit long konstitusen, na i ken i gat asua long en, bikos palamen i no inap long tok oraitim wanpela lejislesen long kamapim wanpela konstitusenamen. Long senisim konstitusen, palamen i mas tok oraitim wanpela loa, ol i kolim wanpela konstitusenamen, taim em bihainim ol rot i stap long konstitusen. Tasol i luk olsem Somare kem i no go bek long Kot, bikos nau, O'Neill gavman i tokaut pinis olsem ol bai no inap lusim opis, na bai ol i mekim olgeta samting aninit long san long holim pawa yet.

Na wanem samting i stap long as tru long dispela politikal na ligel hevi long dis-

pela kantri.

Baksait long olgeta dispela politiks, em i laik bilong politisen long holim pawa moa long ol arapela, long gat bikpela rot bilong kisim na yusim ol mani bilong nesenel tresari bilong sanapim ileksen kempen bilong ol neks yia, na tu, ol gutpela kam wantaim ol opis bilong gavman.

Yes, O'Neill gavman i tilim K500 milian pinis insait long 90 de bihain long ol i winim gavman, tasol mipela i nogat stori long husat i kisim dispela mani, na wanem wok ol i mekim wantaim ol dispela mani.

Na ol i go het yet long tilim ol bikpela hap mani, na dispela i larim pipel i wok long tingting sapos olgeta dispela kros pait i go kam, i kamap bihainim laik bilong ol long mani tasol.

Maski wanem kain politiks pilai, mipela noken lusim luksave olsem mipela i gat wanpela konstitusen ol i raitim, we i givim fremwok insait long we politiks pilai i kamap.

Na mipela i gat tu ol jas husat i mas mekim wok refri bai pilai i bihainim stret olgeta loa bilong pilai.

Long dispela sait, mipela i tok olsem judisari i noken kisim sutim tok long pablik, long wok bilong em aninit long konstitusen.

Antap moa long olgeta dispela, konstitusen i mas i gat luksave.

Sapos yu laik senisim konstitusen, orait, yu mas bihainim olgeta stia i stap insait long konstitusen long senisim konstitusen.

Olgeta gavman i mas luksave na rispektim konstitusen na olgeta konsitusen opis wasmanmeri.



TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)

Singaut long Australia gavman i kisim pipel long bot

OL i wok long askim Australia gavman long larim pipel i laip yet long dispela bot i bin bungim birua long Java long kam sindaun nau long Australia.

Ol i save olsem foapela-ten-nain (49) pipel i bin laip taim dispela bot i bin go daun long solwara, tasol ol i ting moa long wan-handret-na-faipela-ten (150) i wok long lus yet.

Lida bilong Australia Green Pati, Bob Brown, i tok sapos ol i painim aut olsem tru true m ol i refuji, bai i gutpela long ol i kam na sindaun nau long Australia.

Wanpela mausman bilong Imigresen minista i tok em samt-ing nau bilong UNHCR long painimaut na tokaut long husat nau long ol i refuji na bai ol i ken tok-save long Australia long ol i kam sindaun long dispela kantri.

Fiji pipel i no laip moa long long moa long 72 ya

WANPELA Fiji saveman long ekonomi, i sakim wanpela ripot i no long tai mi go pinis i bin kamaut

long tok olsem hamas yia ol Fiji man na meri i save laip, i pundaun long faipela yia.

Graham Roberts, bilong Fiji Nesenel Yunivesiti, wanpela long ol pipel i bin raitim kamap dispela ripot, i tok mak long ol manmeri bilong Fiji i laip, i pundaun long faipela yia namel long 2000 na 2005, stat long 72 poin nain i go long 67 poin et yia.

Profesa Roberts i tokim Radio Australia olsem as long laip bilong ol Fiji i pundaun, em long ol bikpela helt isiu na tu long hevi long politik long Fiji.

Tasol ekonomis Wadan Narsey i sakim ol dispela namba na tok ol opisal namba i soim mak long ol Fiji pipel i laip i stap wankain, na i no pundaun o go antap.

Namba bilong ol fising bot i kalabus i go daun

AUSTRALIA Fiseris Menesmen Atoriti i tok wanpela fising bot em ol i bin painim i brukim loa long kam insait nating long kisim fis long solwara long Australia not kos em namba nain long ol i holim stat long mun Jun.

Ol i wok long holim kalabus, faipela sak pisaman bilong Indonesia bihain long ol i bin painim bot bilong ol, wan-handret notikal mail not is long Arnhem

Len, moa long tupela wik i go pinis.

Peter Venslovas bilong Atoriti i tok namba bilong ol fising bot bilong ol narapela kantri em ol i save painim long solwara bilong Australia na kalabusim ol, i wok long pundaun hariap tru.

Em i tok Edukesen program bilong gavman wantaim ol neba kantri i wok gut.

Australia gavman na Oposisen i no wanbel long ofso prosesing

AUSTRALIA gavman na lain Oposisen i gat hevi long ol i no nap wanbel long sapos ol i ken bringim bek sistem bilong prosesim ol asailam sika long narapela kantri na o mekim ofso prosesing.

Bihainim stori long bot i karim ol asailam sika i go insait long solwara long Java, gavman i askim Kolisen long ol i holim ol nupela toktok na kamapim wanpela agrimen long prosesim ol asailam refuji long narapela kantri.

Imigresen Minista Chris Bowen i bin tokaut long ol pas em i karim ol askim bilong gavman long wanpela miting.

Mausman bilong Oposisen long Imigresen, Scott Morisson i tok em nogat bikpela samtig long en.

Tasol Ekting Praitim Swan, Wayne Swan, i tok em i no laik putim banis long wanem samtig long ol i toktok long en.

Amerika toktok long Not Korea wantaim ol fren kantri

AMERIKA i wok long hariap long toktok wantaim ol fren kantri bilong em long Esia long dai bilong Not Korea lida, Kom Jong II.

Presiden bilong Amerika, Barack Obama, i bin toktok wantaim Saut Korea Presiden, na Sekreteri bilong Stet long gavman bilong em, Hillary Clinton i bin holim toktok wantaim wanwok bilong em long Japan.

Wanpela mausman bilong Wait Haus, Jay Carney, i tok US i bilip strong olsem Not Korea i mas inapim olgeta wokluksave bilong en long pinisim ol nuklia ams program bilong ol.

Dem Carol Kidu i sori vot i lus long 22 sia

DEM Carol Kidu, wanpela meri tasol i memba long Palamen long Papua Niugini i sori tru long pala-

men i no bin gat inap MP long sapatim bile m bai larim tupela-ten-tu (22) sia bilong ol meri long palamen.

Dispela bil i bin popaia oa lus long taim bilong dispela hevi long husat i lida long kantri.

Tasol Dem Carol i tok i gat sans yet i stap, em i no lus olgeta.

Indonesia polis bai toktok wantaim ol kru memba

POLIS bilong Indonesia i tok ol i wet long toktok wantaim tupela kru memba bilong bot em ol asailam sika i bin pasindia long en na i go daun long solwara long Java Coast.

Ol atoriti bilong Indonesia long nait, i bin tokaut long ol i painim moa long 15-pela pipel, bihain long bot bilong ol i bin kapsait long Sarere.

13-pela bilong dispela ol asailam sika i stap nau long wanpela ailan 90 'notikal mail' long wanpela liklik vilis bilong Prigi.

Narapela tupela i stap long haus sik long Malang, we ol i bilip, em tupela boskru bilong bot.

Ol sinia Indonesia polis i tok ol i wetim dispela tupela man long ol i laik toktok wantaim ol.

2012 DIARIES

FULL RANGE NOW IN STOCK!

**Buy 10,
Get
1 Free**



*OFFER ONLY ON GRANDLUXE DIARIES!

CALL OUR SALES TEAM TODAY!

WAGANI DRIVE, PORT MORESBY

Ph: 325 6500 Fax: 325 0302 Email: sales@theodist.com.pg

MARKHAM ROAD, LAE CITY

Ph: 472 5488 Fax: 472 7838 Email: saleslae@theodist.com.pg

THEODIST LTD
THE STATIONERY SUPERMARKET



Somare na O'Neill mas bung long Palamen

HUSAT bai yumi sutim tok long em i kamapim dispela bruk namel long Somare Gavman na O'Neil Gavman?. Nau yumi lukim olsem Papua Niugini i gat tupela Gavman long namba wan taim tru stat long 1975 long independens de i kam inap nau.

Somare wantaim 30 membas bilong em i tok ol i holim Gavman bikos Suprim Kot i luksave long Somare olsem Praim Minista bilong Papua Niugini. O'Neil wantaim moa long 70 membas bilong em i tok ol i gat namba long ranim Gavman long palamen.

Em klia olsem Kot i luksave long Somare olsem Praim Minista bilong kantri bihain long em bin go long haus sik long Singapo na kam bek. Long dispela taim Peter O'Neil wantaim ol membas bilong em i muv long palamen na votim Peter O'Neil kamap Praim Minista bikos Somare bin stap ausait long palamen na kantri longpela taim. Dispela taim em memba bilong Wabeg Sam Abal bin ekting Praim Minista.

Long las wik i kam, lain bilong Peter O'Neil bin stap



long palamen na ranim bisnis bilong kantri olsem nesenel baset, toktok bilong givim 22 sit go long ol meri na arapela bisnis moa. Somare wantaim grup bilong em bin holim ol miting bilong ol long Morauta Haus na long hotel.

Planti manmeri i ting sapos grup bilong Somare bin go bek long haus palamen, ol inap stretim dispela hevi we kantri ken luksave long wanem kain mak ol i sanap.

Em ples klia olsem sapos grup bilong Somare go bek long palamen, ol bai sot long namba na grup bilong O'Neil bai votim O'Neil long kamap Praim Minista bikos ol gat namba.

Ating namba tasol i mekim hat long grup bilong Somare long go bek long palamen o olsem wanem?. Yumi no save tasol nau yet yumi no harim wanpela toktok i kam long maus bilong ol long ol wanem taim bai ol go bek long palamen bikos long las wik yumi

harim Peter O'Neil wantaim grup bilong em i singaut long grup bilong Somare mas go long palamen.

Em tru olsem palamen tasol em ples bung bilong ol lida long toktok na stretim ol kain hevi olsem na tu stretim ol bikpela hevi bilong kantri. Em ples bung bilong ol lida yumi makim ol long taim bilong ileksen.

Lukluk bek long histori o stori bilong palamentri sistem bilong PNG i kam inap long dispela yia, Gavman bilong kantri i save ron wantaim moa memba o namba long sait bilong em. Inglis ol kolim majority. Praim Minista husat i go pas long Gavman I save gat moa long 55 memba bikos ol mas kamapim planti Lo na polisi bilong em long palamen bihainim vot. Gavman sait save kamapim planti polisi na lo bikos ol gat moa long 55 long mekim senis i kamap. Bikos olgeta lo na polisi i kamaut long palamen i mas kisim 55 vot o moa o 73 vot. Olsem na olgeta Gavman i mas gat dispela namba wantaim ol olgeta taim long ranim kantri. Kantri i save ron antap long ol bikpela lo na polisi

bilong Gavman bihainim namba bikos lo i luksave long dispela. Taim i nogat moa long 55 vot o 73 vot, planti polisi na lo i no save wok na stap bek inap Gavman sait i painim namba.

Wok nau i stap long han bilong Somare na O'Neil long bungim tingting na stretim toktok na kamapim wanbel bai gavman i ken ron long karimaut ol bikpela wok bilong dispela kantri olsem 2012 nesenel baset, fri edukesen, ol bikpela maining projek na planti arapela moa.

Sia bilong Praim Minista em yumi lukim hevi na bruk i kamap long en. I no sia bilong Deputi Praim Minista o arapela minista nabaut. Taim Praim Minista i kamap na sindaun long sia, orait em save makim namba tu bilong em na ol minista bilong em.

Yumi prea bai rot i op dispela wik long yumi lukim wanpela gavman stret i kamap na ranim kantri bilong yumi i go inap long 2012 nesenel ileksen.

Meri Krismas na Hepi Nu Yia long yupela olgeta rida bilong Wantok Niuspepa.

WANTOK KOMENTRI

Luksave i mas stap long pipel

KLOSTU tupela wik nau, kantri i lukim Gren Sif Sir Michael Somare na Peter O'Neill i pulim taitim long wok praim minista, na long gavman.

Namel long dispela taim, ol pipel i wok lukluk bihainim olgeta samting dispela tupela lida, na ol lain sapota bilong ol i wok long mekim long strongim luksave long ol yet.

Tasol namel long olgeta toktok na senisim ol loa i kamap long floa bilong palamen, na namel long ol tok strong i kam long Sir Michael, ol pipel i stap.

Ol papamama, liklik bisnismanneri, na tu, ol lida long komyuniti, bisnis, na pablik sevis, i wok long traim painim husat tru i wok long tromoi ol tok tru, na watpo i nogat luksave long narapela sait.

Dispela wik, gavman bilong Peter O'Neill i tok oraitim 2012 Baset. Wanpela bikpela kas insait long dispela pilai bilong winim sapot na luksave.

I kam inap dispela wik, ol lain manmeri long pablik i gat tingting, i wok autim long ol kain kain rot.

Planti i ringim ol redio stesin na givim tingting bilong ol, na planti moa yet i wok yusim ol niuspepa, na ol intanet websait long givim tingting bilong ol.

Dispela nupela pasin bilong autim tingting, em i wanpela samting we bipo long 1997 Sandline krasis, i no bin stap.

Nau, pipel i gat rot bilong autim ol belhat bilong ol. Tasol i no long taim, sapos dispela ol politiks i no pinis kwik, bai pipel i mekim samting.

O'Neill na ol sapota memba bilong em i wok long toktok long pablik long kolim bel bilong ol, tasol i gat luksave tu olsem ol kain kain toktok bilong pipel i mas luksave na votim bek O'Neill gavman, em i samting i sut long asua bilong eli kempen, aninit long ol loa bilong PNG Ilektral Komisen.

Ating ol pipel bilong yumi, i no moa aipas long tok gris bilong ol lida bilong yumi.

Husat i holim wok PM bihain long ileksen 2012, bai gat bikpela wok moa long tok tru oltaim long ol pipel.

Nau, mipela ol liklik manmeri i save long rot bilong autim belhat, na moa manmeri, i karim save raun raun.

Sapos ol lida bilong yumi nau i laikim luksave, ol i mas daunim ol yet, na bihainim stretpela rot, na givim stretpela toktok.

Pasin bilong kisim ol gris toktok na wanbel tasol, em i pinis nau.

WANTOK

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager: Elizabeth Konga

Editor: Neville Choi

Published at Portion 445, Kanage Street, Six Mile NCD

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general terms acceptance are available at Word Publishing Company Ltd and are set out full on the display advertising form.



NEM: Kisip Kembo
KRISMAS: 19 (man)
ADRES: ST. John De Baptist Primary School, P.O. Box 220, Kerema Gulf Provins
SAVE LAIKIM: Pilai spots, watsim muvi, go Lotu, ridim buk na mekim pani

NEM: Isaiah Bonga
KRISMAS: 28 (man)
ADRES: P. O. Box 407, Popondetta, Oro Provins
SAVE LAIKIM: Pilai Voli bol, Tas ragbi, pilai gita, lukluk TV(NRL), raitim pas, mekim na go Lotu

NEM: Rian Monghongho Alphonse
KRISMAS: 18 (man)
ADRES: Aniep Village, C/- ST. Mary's, P.O. Box 125, Leitre, Vanimo, Sandaun Provins
SAVE LAIKIM: Harim musik, pilai soka, voli-bol, basketbol, go Lotu na mekim pren

NEM: Anestine Funumari
KRISMAS: 18 (meri)
ADRES: Notre Dame Secondary School, P.O. Box 164, MT Hagen, WHP
SAVE LAIKIM: Ridim Baibel, singsing, harim musik, pilai basketbol, netbol, mitim ol poroman na lukluk TV.

NEM: Koron Amun
KRISMAS: 25 (man)
ADRES: P.O. Box 3079, Lae, Morobe Provins
SAVE LAIKIM: Harim musik, pilai Kompyuta, ridim buk na mekim pren

NEM: Kaiya Yoan
KRISMAS: (man)
ADRES: C/- Bema Primary School, P.O.Box 37, Kerema Gulf Provins
SAVE LAIKIM: Pilai soka, mekim Jokes na pilai volibol wantaim ol poroman

NEM: Ruben Yawa
KRISMAS: 18 (man)
ADRES: Muli Primary School, P.O. Box 69, Mendi, SHP
SAVE LAIKIM: Harim musik, pilai soka, basketbol, volibol, ragbi tas na mekim pren wantaim wanpela Lotu man o meri

NEM: Stanson Petiti
KRISMAS: 20 (man)
ADRES: C/- BSC ANZ Bank (PNG) Ltd, P. O. Box 1152, Port Moresby NCD Papua Niugini
SAVE LAIKIM: Pilai Gita, ridim Baible, mekim fani na stori wantaim ol poroman

NEM: Joel Kenis Amaekam
KRISMAS: 29 (man)
ADRES: Huon Gulf, Lae 411, P.O. Box 164 Lae, Morobe Provins
SAVE LAIKIM: Mekim fani, eksasais, pilai lilik, pilai ukulele, gita, singsing, skerim tok wantaim narapela liklik, ritim baibel, komik, harim Radio Lait na Katolik FM, na painim wanpela meri long maritim na stap oltaim.

NEM: Anne Mary Yuwei
KRISMAS: 21(meri)
ADRES: Pes Primary School, P.O. Box 36, Aitape, Sandaun Provins
SAVE LAIKIM: Pilai soka, Volibol, mekim pani, go Lotu, harim musik na watsim TV.



MI YANGPELA man tasol i gat 21 krismas, tasol mi wok long kela na mi wari bikpela i stap.

Dia Laipain

MI wanpela yangpela man i gat 21 krismas tasol na mi wok long stap amamas long laip bilong mi. Tasol mi wok long lukim olsem gras bilong mi long het i wok long lus. Papa bilong mi i bin gat kela taim em i klostu 50 krismas. Brata bilong mi i gat 27 krismas na em i save putim kep long het olgeta taim, tasol em i nogat kela. Nogut em i stap long famili bilong mi long ol man i yangpela yet na ol i kela, tasol mi no painim yet long famili long wanpela i yangpela yet olsem mi na em i ka map kela. Mi save putim kep olgeta taim long haitim gras bilong mi i wok long lus, na tu, mi no save raun wantaim ol poroman nau. Mi save stap mi yet long rum. Mi no laik wari planti long dispela, tasol i gat sampela ples mi ken kisim helpim long en? Mi bai wokim olgeta samting long mekim laip bilong mi i gutpela.

Desperate to socialize again

Dia Pren

Tenkyu long serim wari bilong yu wantaim mipela. Yu yangpela man tumas long gat kela taim yu gat 21 krismas yet. Yu tok olsem papa bilong yu i bin gat 50 yia pastaim em i go kela na yu no klia watpo stret na yu wok long laik kela taim yu yangpela tumas.

Long medikel sait, ol i kolim kela long "ALOPECIA". Em i stret taim yu tok ol pikinini i ken kisim kain situesen bikos em i stap insait na kamap long famili. Tasol i gat ol narapela samting we inap mekim na kela i kisim yu hariap stret. Yu no tokim mipela long laipstail bilong yu na kain ples yu stap long en, wari i wanpela long ol samting we i ken kamapim dispela. Sapos yu stap long siti, planti taim, siti laip i kamapim ol wari long planti manmeri long ol samting olsem haus, mani, ples bilong stap, prais bilong ol samting i antap tumas, stadi, poroman, nogat poroman o hasulain, sekyuriti, kaikai, helt na planti moa. Sapos sampela long ol em yu gat wari long ol, samting olsem bai kamap long yu. Yu traim long stretim ol samting i kamapim bikpela wari long yu? Yu wokim samting long helpim yu daunim ol kain hevi yu wok long bungim?



Yu ken go lukim wanpela dokta na sekap. i gat ol narapela gutpela velyu o samting yu gat yu ken yusim long kamapim gut laip na sindaun bilong yu? Wanpela em, yu ken rait gut? Ating yu mas gat ol narapela gif yu no save long ol we yu ken yusim. Yu ken mekim lista long ol gutpela velyu yu gat na wanem ol samting ol narapela pipel i tok i gutpela yu gat long en, na strongim ol dispela.

Mipela i bilip olsem yu amamas long i gat na lus tingting long wanem samting narapela lain i tingting long yu. i no naispela lukluk tasol pipel i save painim long ol narapela, tasol pasin samting i bikpela moa. Manmeri i luknais o nogat, i gat planti samting o turangu em ol samting bilong nau tasol na ol bai pinis. Ol samting we man i gat insait olsem tok tru o i no giaman pasin, rispek, laikim pasin, mekim gut long narapela na daunpasin em ol gutpela pasin man i gat long en. Bai yu painim ol dispela kaikai long Baibel Galesiens 5:22-23.

Olsem hap tok i stap," kela em i naispela", yu lukluk na bai yu lukim planti yanpela na bikpela man i kela, tasol ol i stap nomol na amamas wok na raun i stap bikos dispela em i laip. Mipela i luksave olsem yu yangpela yet na yu wari, tasol traim givim liklik tingting olsem, wari na i no go hetim nomol laip bai helpim yu stretim wari yu gat long en o nogat. i gat muvi ekta i gat kela olsem Yu Bryner na ol narapela, tasol ol i mekim gut long laip na wok bilong ol.

Yumi wan wan man i narakain na mama i karim yumi na ol samting em yumi kisim long famili. Na yumi no inap wokim senis long ol. Yu mas velyuim o amamas long samting yu gat long en bikos yumi wan wan i spesel na i narakain long wanem, dispela em i plen bilong God yet.

I gat ol kain manmeri long dispela wol na sampela i mekim wok bilong ol i

stap, taso, i gat ol narapela we i suvim nous bilong ol long samting bilong ol narapela. Tasol taim yu stap gut na mekim gut long ol narapela nay u lukautim yu yet gut long sait bilong helt, gutpela pasin, hasu nap les yu stap long em i stret na luksave long ol narapela bai pulim pipel i kam long yu, maski i gat ol narapela samting yu ting i rong long yu.

I gat ol kemis yu ken go long ol na askim long minoxidil na ol narapela marasin bai helpim gras bilong yu i groa. Sapos yu laik, yu ken go long kosmetologis na em bai putim giaman gras, o baim giaman gras na putim. i gat ol hebol marasin yu ken kisim, tasol yu mas painaut long wanem hap stret yu ken kisim ol.

Serim wari bilong yu wantaim papamama na ol narapela famili memba. Mipela i bilip olsem i gutpela yu miks wantaim ol narapela manmeri na ol famili memba bilong yu na bai yu pilim olsem ol i laikim yu na dispela bai helpim yu skelim tingting bilong yu long ol wari yu gat long en. Sapos yu no painim ol gutpela ansa, yum as save olsem i gat sampela samting long laip we yumi no inap long senisim, na olsem, yumi mas akseptim tasol olsem.

God i laikim yu na i laikim yum as stap gut na amamas i stap. Putim tras o bilip bilong yu long em na long olgeta samting, maski i gutpela o nogat, God bai helpim husat i go long em.

God i ken givim yu wanbel na save na yuken go hetim gut laip bilong yu.

Pren bilong yu Laipain

Sapos yu gat wari o hevi, rait i kam long dispela etres: Lifeline Counselling Services, P O Box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.

Laipain

TORO



BIABIA



KANAGE



TOKWIN

Em i no sea bilong em...

Sief laik go bek long palamen tasol wanpela man i sindaun long sea bilong em, em i tok. Mi nogat kros o wari long go bek. Ol politisen husat i sanap wantaim Somare i tok inap ol klia long sea bilong Sif na em go bek long palamen. Ol tok konstitusen em suprim i no palamen. Suprim kot i mekim disisen pinis. Ol i tok O'Neill i

noken holim pasim palamen long laik bilong em, em mas rispek-tim loa na mama loa bilong Papua Niugini.

Buai na simuk prais i antap moa!

Aiyoo! mi man bilong kaikai buai na simukim spia. Mi airaun liklik long lukim praim i flai igo antap na mi paol olgeta. Gavaman i no oraitim yet na ol maket i salim ol long antap prais. Orait long apim prais bilong buai simuk na bia, tasol inap gavman i daunim

ol prais bilong kaikai long stua? Yu apim wanpela, yu mas daunim narapela we i bikpela samting bilong yumi olsem prais bilong kaikai, fiul na ol arapela samting we mipela i yusim olgeta de tu de samting. Buai na simuk na bia i no impoten long laip bilong mipela. Ol dispela samting i wok long givim hevi long mipela. Daunim prais bilong ol kaikai!!!

Tokwin Tasol...

A 15x15 grid of letters for a word search puzzle.

PAINEM OL DISPELA TOKTOK BILONG HAUS SIK:

A list of words: DOKTA, NES, SIX BET, MALARIA, KUS, MARASIN, NIDEL, TIETA, SUT, BLUT, OPERESAN, DRIP, HELTBUK, WOD, MAMA KARIM, AUTPESEN, SKEL, GLAS, EKSRIT, BANIS.

A 10x10 grid for a crossword puzzle with some numbers.

A 10x10 grid for a crossword puzzle with numbers.

Ansa bilong las wik Sudoku

Ansa bilong las wik Pasol

A crossword puzzle grid with some letters filled in.

EMTV Television Guide

A large table listing television programs and their times for EMTV, including 'Joyce Meyer', 'Crime Stoppers', 'National EMTV News', 'Magical Tales', 'The Pyramid', 'The Shak', 'Millionaire', 'The Farmer Wants a Wife', etc.

Ol Program na Kilok i ken tenis oltaim...

Liklik Bisnis...



Smok prais i go antap, tasol bisnis strong yet

Nicky Bernard i raitim

SMOK bisnis em stap long olgeta liklik hap kona insait long kantri, tasol prais em save senis long olgeta liklik hap. Long ol bikipela maket, prais bilong em save stap tamblo, taim ol kastoma baim ol save senisim prais long liklik maket bilong ol long haus.

Wasi Mama em save salim smok long Renbo maket klostu tripela yia nau, em save go baim ol bokis smok bilong long sampela bikipela insait long Mosbi.

Taim em kisim kam long maket bilong em, em save

makim prais bilong em yet long helpim ol kastoma bilong em. Long pastim prais bilong em K11 em save kisim long wan-wan paket smok.

Dispela wik, prais bilong em senis liklik, wanpela peket red em salim long K20, Green em salim K17 long wanem bikipela stoa i sot liklik long ol smok.

Wasi nau i wari long ol kastoma bilong em na em kisim kainkain smuk nau na putim long maket bilong em.

Wasi salim Cambridge, Palmal Ret, Palmal green na Winfil Blu, dispela ol smok em long lus tasol inap em kisim ol kago bilong em bek.

Ol Buin pipel kisim Citifon Mobail sevis

WANPELA gutpela Krismas presen we Telikom PNG i givim long ol pipel bilong Buin, Saut Bogenvil insait long Otonomes Rijen bilong Bogenvil (ARB) em long Citifon netwok sevis insait long distrik.

Long las wik, sampela teknisen bilong Telikom PNG husat i wok long Buin eria i bin konektim Citifon sevis netwok na nau, ol pipel long dispela longwe hap bilong ARB i ken yusim Citifon mobail long toktok wantaim ol lain bilong ol narapela hap bilong PNG we sevis i stap long en na tu, long ovasis.

Wanpela teknisen husat i wok long stretim ol koneksen bilong Citifon sevis long Buin i tok ol pipel i laik tru long yusim sevis, tasol ol maketing lain bilong Telikom i mas go hariap wantaim ol mobail Citifon, ol telikad na ol narapela samting moa we pipel i ken baim na

yusim sevis.

I kam inap nau, Dijisel netwok sevis em wanpela mobail komyunikesen i stap long olgeta hap bilong ARB we pipel i yusim long toktok wantaim ol famili, hauslain, wantok na poroman long olgeta hap bilong PNG na wol.

Wanpela gutpela samting long Citifon netwok sistem em i sip moa long ol narapela mobail telepon, long wanem, long toktok wantaim narapela man o meri i gat Citifon, bai yu peim 2 toea tasol, wanpela toea tasol long salim mesej, na 39 toea tasol long toktok long ol narapela mobail netwok olsem Dijisel na bemobile.

Wantaim Citifon long Buin, bai gat sans long resis na em i stap long han bilong wan wan manmeri long yusim wanem netwok em i laikim long en.



Laki Bikipela Trak Riwo Wina!

BIKPELA resis bilong ol bikipela Isuzu trak long Boroko Motors i lukim ol kastoma bilong en i winim ol K20,000 vasa. Sauten Rijen Wina, Misis Rova Olemau na famili i bin laki tru long kamap wina. Nupela Kar Sels Menesa bilong Boroko Motors, Kila Kila i bin amamas tru long givim prais bilong Misis Olemau.

AIRLINES PNG OPEREITIM CHRISTMAS DEI

**Christmas em bilong ol femili
Taim bilong stap wantaim ol lain husat yu laikim**

Port Mosbi ↔ Lae ↔ Port Mosbi

Port Mosbi ↔ Mt. Hagen ↔ Port Mosbi

Port Mosbi ↔ Alotau ↔ Port Mosbi

Port Mosbi ↔ Popondetta ↔ Port Mosbi

Port Mosbi ↔ Lae ↔ Kimbe ↔ Kokopo

Kolim 16111 o visitim www.apng.com
na helpim long femili dei bilong u ikamap gutpela tru

Airlines PNG

COME FLY OUR WAY

PORT MORESBY - Level 1, Pacific Place, 321 3400

MT. HAGEN - Central Highlands Printers, 542 0662
- Kagamuga Airport, 542 2732

LAE - Micro Bank Haus, Fifth Street, 479 5980

POPONDETTA - Top Town (opp. Memorial Park), 629 7638

ALOTAU - Preston White Street, 641 1288

GOROKA - Airport, 532 2532

TABUBIL - Airport, 649 9171

KIUNGA - Airport, 649 1125

MADANG - Global Travel, 422 0011

RABAUL - Rabaul Hotel, 982 1999



Ramu NiCo givim 15-pela nupela haus-kapa long Danagari

RAMU NiCo long Sarere Disemba 10, 2011 i givim 15-pela nupela haus kapa i go long ol lain pipel long Danagari rilokesen eria long Ramu veli arere long bikpela Ramu riva.

Insait long wanpela seremoni we i lukim singsing na bilas, menesmen bilong Ramu NiCo i givim ki bilong 15-pela nupela haus ya long Danagari i go long ol lain papagraun bilong Kurumbukari.

Ol dispela 15-pela nupela haus em ol i wokim aninit long memorandum ov agrimen (MOA) namel long nikel/kobalt divelopa Ramu NiCo na ol lokal lenona asosesen (LOA) long Kurumbukari.

Ol manmeri bilong ples i muv i go long Danagari rilokesen eria bihain long wok maining i kamap long graun bilong ol we ol i bin stap pastaim long en antap long maunten long Kurumbukari.

Namel long ol lain husat i kisim nupela haus em sampela ol lapun, husat i bin wet longpela taim tru long lukim divelopmen i kamap long graun bilong ol. Sampela long ol olsem Abrahan Tatagu, husat em sif bilong Danagari i mekim strongpela toktok long wanem samting ol i lukim na em i sore olsem sampela ol lain lapun i stap nau long lukim divelopmen o wok maining nau i kamap long eria bilong ol. Narapela lapun husat i mekim toktok em Tanoa Kumura, husat i kisim ki bilong nupela haus na i mekim toktok we em i tenkyu long divelopa bilong nikel/kobalt main, Ramu NiCo.

Tupela lapun, Mista Tatagu wantaim Kumura i mekim sampela strongpela toktok tu long sait long helpim na tu ol i tok sore olsem sampela ol poroman bilong ol turangu i dai na i no inap lukim ol divelopmen i kamap long ples bilong ol.

Dispela 15-pela nupela ol haus-kapa em taip A na B haus em wanpela lokal kampani, KBK Limited i kisim kontrak long wokim.

Ol bikman husat i stap long lukim dispela seremoni em Deputi Gavana bilong Madang provins na LLG presiden bilong Usino, Bob Wati, Bundi LLG presiden, John Yama, Ramu NiCo Komyuniti Afes General Menesa, Martin Paining, Ramu NiCo KBK Sait Menesa, Brendan Cope, Siaman bilong KBK LOA, David Tigavu na tu ol lain bilong Madang provinsal gavman i stap long lukim.

Mista Paining i tok olsem dispela seremoni we Ramu NiCo i givim ol nupela haus i go long ol lokal pipel

long Danagari em spesel seremoni tru bikos em wanpela divelopmen ol lain papagraun i wet longpela taim long lukim na tu ol lain papa husat i stap

Mista Paining i tokim ol manmeri tu olsem rilokesen em stat bilong planti moa nupela divelopmen we bai i kamap long Danagari.

Em i tokaut tu olsem Ramu NiCo i plen long go moa yet long sait long rilokesen.

Mista Paining i tok olsem ol arapela lain husat i no kisim haus mas noken wari o tingting tumas. Dispela em bikos progrem ya bai ol i surukim gen insait long MOA we bai lukim kampani i wokim haus bilong ol arapela lain husat i no kisim haus.

Em i tokaut tu olsem kampani i gat plen long stretim skul long Danagari, tasol ol i nidim sapot bilong ol papamama long salim ol pikinini i go long skul.

Long mun Mas long dispela ya Ramu NiCo i bin givim 30-pela nupela haus long Enekuai rilokesen eria we i stap antap long maunten klostu. Dispela ol nupela haus-kapa em ol manmeri i slip insait long en pinis.

KBK LOA Siaman, David Tigavu i tokim ol pipel olsem dispela ol nupela haus-kapa we kampani i givim em ol divelopmen we bai stap oltaim wantaim ol pipel, na kain divelopmen em divelopa bilong China bai i no inap karim i go.

Mista Tigavu i tokim ol pipel olsem em i amamas long lukim olsem ol pipel we i muv long ples pastaim ol i stap long en i go daun long Danagari nau i ken stap slip long ol nupela haus-kapa o pema-nen haus bilong ol.

Em i tokim ol manmeri husat i bin bung long dispela seremoni olsem planti moa divelopmen bai i kam, taim ol I komisnim main.

"Taim yu gat haus-kapa, na haus bilong yu i gat pawa na ilektrisiti na i gat toilet na ples bilong waswas insait long haus bilong yu, em yu lukim senis i kamap long laipstail bilong yu," Mista Tigavu i tok.

Deputi Gavana bilong Madang, Mista Wati long toktok bilong em long seremoni i tok tenkyu long divelopa, Ramu NiCo, na em i tok olsem stap bilong Ramu NiCo i kamapim planti gutpela senis long sait bilong infrastraksa (rot na bris divelopmen) insait long Usino-Bundi ilektoret.



Deputi Gavana bilong Madang, Bob Wati (wantaim hat) i wokabaut wantaim KBK LOA Siaman David Tigavu na wok man bilong Ramu NiCo i go long seremoni long Danagari we 15-pela nupela haus i stap.



Wanpla liklik pikinini i stap insait long wanpela drama long taim bilong haus presentsen ol i givim nupela haus.



KBK Main Menesa, Brendan Cope i givim key i go long Bob Wati na John Yama long givim i go long papagraun.

RAMU NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisnim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisni o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 bilian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paip plain)

Wanpela Ramu NiCo, Wanpela Komyuniti

Muruk kiau em piksa bilong konsevesen

James Kila i raitim

WANPELA mama, Edwick Mijamba, bilong Sepu viles arere long Ramu Riva long Usino-Bundi distrik i tokaut olsem planti wail abus i pulap yet long ol bus arere long Ramu Riva.

Dispela em bikos g konsevesen o wok bilong lukautim bus, graun, wara na solwara i stap strong long tingting bilong sampela ol pipel.

Dispela mama i stap insait long wok bilong konsevesen wantaim wanpela non-gavman ogenaisesen long eria em Bismark Ramu Grup (BRG).

Edwick em i bilong Sepu, tasol em i marit i go long wanpela man long maunten long Kinimati, klostu long bikpela Ramu Nikel projek.

Tupela wik i go pinis, dispela mama Edwick i karim ol kiau bilong muruk i go long ples Danagari na i salim. Dispela ol bikpela grin-pela kiau bilong muruk, bikpela pisin bilong graun em i naispela tru. Sampela pipel i save kaikai dispela kiau na i tok teis bilong en i nais tru.

Mi bin askim dispela mama watpo, em i tok olsem i gat konsevesen eria long ples bilong em na em karim kiau bilong muruk long salim long maket ?

Na Edwick i tok olsem dispela ol kiau bilong muruk em i kisim ausait long konsevesen eria.

Em i tok olsem em i kisim dispela

ol kiau bilong muruk long Wara Mambu, wanpela han wara we i go join wantaim Wara Marum na i go join wantaim bikpela Ramu Riva.

Edwick i tok em i kisim ol dispela kiau ausait long konsevesen eria, bikos em i ken salim na kisim sampela mani long baim ol samting bilong famili na tu redi long Krismas na Nu Yia selebresen. Ol i salim wanpela kiau long K10.

Edwick i bin salim kiau bilong muruk wantaim narapela tambu na pren bilong en, Angela Kuwiza, taim Wantok Niuspepa i bungim ol.

Narapela samting Edwick i tok tu em olsem taim ol i painim kiau bilong muruk long bus, ol i save karim i go bek long ples na skelim pastaim sapos i gat bebi muruk insait long kiau o wara nating i stap insait.

"Mipela save putim kiau bilong ol muruk i go insait long baket wara na sekim. Taim kiau i pundaun i go insait long wara olgeta, em mipela i save olsem i gat wara nating tasol i stap insait long dispela kiau na nogat bebi muruk i stap insait," Edwick i tok.

Em i tok olsem taim ol i putim kiau i go insait long baket na kiau ya i flot o trip antap long wara, dispela i soim olsem i gat bebi muruk i stap insait long kiau.

Wanpela samting ol manmeri i save was gut tru taim ol i raun long bus na painim kiau bilong muruk em taim mama muruk i no stap.



EMINO MANGO....Tupela mama ya, Angela Kuwiza na Edwick Mijamba, i sindaun na salim bikpela kiau blong muruk long Danagari viles arere long Ramu Riva long Usino Bundi long las wik. Foto: James Kila

Dispela bikpela pisin bilong graun em save bikhet tu ya. Taim em lukim man i kam klostu, em bai ronim ol ya. Na tingim tu olsem lek pinga bilong muruk em sap tru na taim em kisim sait bilong yu, trumas 'lem fleps' o sait ribs bilong yu bai bruk na tu yu ken lusim laip bilong yu.

Watom Ailan turisim kisim luksave

Michael Novingu i raitim

WOK bilong lukautim ol turis long Watom Ailan long Is Nu Briten i kisim pinis luksave bilong Rabaul Join Distrik Plening Baset Komiti wantaim K300, 000.

Memba bilong Rabaul, Dokta Allan Marat i tok, wok rere i go het nau long wok wanpela Hotel long kirapim wok bai helpim sindaun bilong ol pipel long Watom Ailan.

Marat i tok, "Mani mi givim bai no inap lus nating, nogat! Bai kisim ol turis long arapela kantri na Papua Niugini i kam long lukim pasin tumbuna bilong pipel long Watom bai karim kaikai.

Em i tok, ol pipel bai wokim mani long salim ol kaving, singsing tumbuna bilong ol long ol turis long kisim mani long lukautim sindaun bilong ol.

"K300,000 mi givim long helpim ol pagraun long wokim ges-haus, hap long glas long Solwara, wokabaut long bus long pulim ol turis i kam. Dispela Hotel bai Rabaul Distrik Edministresen, ENB Turis Atoriti yet bai helpim long fandim projek long go het," Marat i tok.

Em i tok tu olsem dispela wok long lukautim turis long Watom Ailan bai wokbung wantaim ol kampani we i save gut long rot bilong lukautim turis.

Em i tok hap we Hotel ol bai wokim long en, bai ol wokim rot i go long Rakival Poteri na Vunabang sevis senta long Rau.

Marat i tok, dispela projek bai kisim moa mani i kam long ol pipel bilong Watom Ailan long wok kisim mani long lukautim sindaun bilong ol.

CTC Kokopo bai givim peiaut long bipo wokman

Michael Novingu i raitim

KOMESAL Trening Koles long Kokopo bai peim mani-mak olsem K6000 i go long wanpela bipo wokman bilong en.

Nogat gutpela wok lukautim o menesmen long skul long mekim disisen long ronim skul i kamapim dispela hevi.

Las wik, Kokopo Distrik Kot i givim oda long bosman bilong Komesel Trening Koles long Kokopo, Greg Sonu, long peim mani mak olsem K6000 long bipo wokman bikos nogat gutpela tok orait long rausim em long wok bilong em.

Dispela wokman i no laik autim nem bilong em long Wantok Niuspepa. Kokopo Distrik Kot i

harim olsem long 7 Februari, 2011, dispela wokman i sainim Kontrak o tok orait long wok olsem tisa long Komesel Trening Koles Kokopo long wanpela krismas.

Long 15 Julai, 2011 bosman bilong skul Greg Sonu i tokim em long go bek long wok, stap long haus skul i rentim long en.

Sonu i tokim wokman ya olsem em bai ringim em long tok klia olsem em bai go bek long wok bihainim dispela tok orait wokman ya i wet i stap bihain long wanpela wik, Sonu i tokim Mama bilong haus long rausim wokman

ya long haus we wokman ya i no save long en.

Kot i harim tu olsem Sonu i no bin givim em tupela wik notis long stap na lusim haus, nogat tok orait pas em bai lusim wok.

Sinia Majistret Reget Marum i tokim Kot olsem tok orait o kontrak long wok yutupela i sainim, Greg Sonu i brukim long rausim nating wokman long wok, nogat gutpela tok orait.

Marum i tok, Greg Sonu i asua long brukim kontrak tupela i sainim long wok olsem Tisa long CTC Kokopo.

Moa yet kot odarim Sonu, CTC Kokopo long peim mani mak olsem K6000 i go long bipo wokman bilong skul long pinis bilong mun Februari, 2011.

PNG POWER Ltd

Ol Bot Dairekta na Menesmen bilong PNG Pawa i laik salim tok amamas i go long ol wokman bilong ol na ol gutpela kastoma long gutpela amamas bilong Krismas na Nupela Yia.

PNG Pawa i promis olsem em bai wok hat long givim gutpela sevis i go long olgeta kastoma bilong em long nupela yia, 2012.



7-Mile Jets A gret tim redi tasol long pilai long Boroko ov sisen long Pot Mosbi



Sentral pilai wantaim bal, ol lus long Besta Yunaited long wiken long NSL soka resis.

Ol refri tu save mekim liklik ekksesais long mekim ol fit long ron insait long pilai graun.



Hekari amamasim win bilong ol.



Kriket pilai wok kamap strong long Amini pilai graun long Mosbi, olsem dispela tupela pilaia bilong Kapa i soim.



ROT: BMX resis i save kamap autsait long graun we i gat ol liklik maunten na planti kona.



Gem Bilong Yu
wantaim
ANDREW MOLEN

Narapela wilwil resis

I NO long taim i go pinis, yu i bin lukluk long spot bilong wilwil resis.

Dispela em i resis we ol pilaia i save yusim wilwil long resis insait long bikpela haus resis o stedium bilong dispela spot.

Kain wilwil resis i save kamap insait long Olimpik Gems tasol i gat narapela kain wilwil resis we ol i save pilai autsait long bikpela stedium.

Dispela wilwil resis em ol i kolim wilwil motokros (bicycle motorcross) o BMX wilwil resis.

Dispela wilwil resis i no olsem ol arapela wilwil resis we ol pilaia save resis tasol long lukim husat bai kamap pas long pinis mak.

Insait long BMX, ol pilaia i save raunim wanpela mak long graun we i pulap long ol liklik maunten na planti kona long tainim na kalapim we ol i mas mekim gut na i noken pudaun, na kamap long gutpela taim long win.

Histri bilong gem

BMX resis i stat long 1970's taim ol mangi save kisim ol wilwil bilong ol na resis long ol bus rot long Sauten Kalifonia (Southern California) long Amerika.

Ol dispela mangi save traिम long bihainim ol fevret pilaia bilong ol long motokros resis husat ol i save resis wantaim ol motabaik (motor bike).

Dispela laik bilong ol i mekim ol i kamapim wilwil motokros resis we i wankain olsem motokros resis tasol long dispela, ol i no save yusim ol mota baik tasol ol BMX wilwil.

Ol i bin stat wantaim ol wilwil olsem Schwinn Sting-Ray na ol arapela wilwil olsem.

Bihain, taim ol lain bilong mekim ol wilwil i lukim olsem dispela spot i wok long kamap strong, ol i mekim ol wilwil we i strong inap long ron insait long dispela kain gem.

American Bicycle Association (ABA) i kamap long 1977 long lukautim dispela spot na long Epril, 1981, International BMX Fed-



KALAP: Ol pilaia i save kalap na tanim planti kona wantaim olsem na ol wilwil bilong ol i mas strong inap long mekim dispela ol samting.

WILWIL: Wanpela kain wilwil we ol i save yusim insait long BMX resis.



eration i kamap.

Namba wan wol sempionsip bilong BMX i kamap long 1982.

Long 1993, ol i kisim BMX i go insait long "Union Cycliste Internationale" (International Cycling Union), bikpela asosiesen bilong ol wilwil resis long wol.

Nau, BMX i kamap wanpela bikpela gem we i save kamap olgeta yia long Amerika.

Tasol BMX i no go insait long Olimpik Gems inap long 2008 taim em i kamap long Beijing Olimpiks long Saina.

Stail bilong pilai

Olsem ol arapela wilwil resis, yu mas i gat wilwil we bai nap long ron strong insait long kain resis bilong yu.

Ol wilwil bilong BMX i mas strong moa long wilwil bilong ol arapela resis bilong wanem ol i save ron autsait long graun na kalapim ol bikpela maunten na ston we ol arapela wilwil i ken bruk.

Long wankain taim, dispela ol BMX wilwil i noken hevi tumas na i mas inap long ron spit na ron gut long dispela kain ol rot nogut we em i save ron long en.

Yunifom o klos bilong ol BMX pilaia i no wankain olsem bilong ol arapela wilwil resis tu.

Klos bilong ol i save karamapim bodi olgeta na ol i save werim planti karamap bilong lukautim bodi olsem, karamap bilong het, bilong ol skru long lek na han na tu su bilong pasim lek bilong ol long sen (chain) bilong wilwil.

Olsem mi tok pinis, ol arapela wilwil resis i save kamap long trek (track) insait long stedium o ples bilong resis tasol BMX i save kamap long autsait long graun nating we ol i save kirapim das tru long resis bilong ol.

Long win, ol pilaia i mas ronim wilwi bilong ol i mas kalapim ol dispela maunten na ston na abrusim ol hul, wara long raun na tainim ol strongpela kona bilong rot long kamap long pinis mak hariap.

Ol pilaia bai kisim poin long dispela ron bilong ol na husat i kisim moa poin bai win.

I gat sampela resis bilong ol tu we ol i save lukluk long husat bai kamap hariap long pinis mak.

BMX resis long PNG.

Olsem ol arapela wilwil resis, BMX i gat sans long kamap strong tu long PNG bilong wanem em i wanpela samting we planti ol manmeri long ol ples long ol rurel eria i save ronim.

Sapos i gat kain resisi na asosiesen bilong en i stap long lukautim na ronim, em i nogat tok olsem planti bai traिम save na strong bilong ol long en.

Wilwil resis olsem BMX em i no hat tumas bilong wanem resis i save kamap autsait long graun na i no insait long bikpela haus.

Husat i laik ronim, i ken tingting tasol long painim wanpela bikpela hap graun we ol i ken mekim rot bilong ol wilwil long ron.

Tasol wanpela salens bilong ol pilaia em long painim ol wilwi tru bilong dispela kain resis, we i ken kos bikpela mani long kisim i kam long ovasis.

Kosa i tok Slater i ken orait bilong raun wan

MELBOURNE Storm Kosa Craig Bellamy i tok i gat gutpela ripot olsem Billy Slater bai fit inap long pilai long raun wan bilong NRL resis long mun Mas neks yia.

Sta fulbek na intanesenel pilaia bilong yia i brukim kola bun bilong em long taim em i pilai makim Australia long Foa Nesens resis long mun Novemba long Inflan.

Slater na ol arapela biknem pilaia bilong Storm, Cameron Smith, na Cooper Cronk, bai kam bek long trening long Janueri 9.

Olgeta arapela pilaia bilong skwat bai kam bek long Krismas mal-olo bilong ol long Janueri 2.

"Em (Slater), i go long Cairns long malolo long Krismas. Em i

kam pinis na mipela i sekim em," Bellamy i tok long Tunde dispela wik.

"Em i tok solda bilong em i pilim strong liklik, na kola-bun bilong em i pilim orait.

"Ol trena i amamas wantaim wok i go het, tasol em i wanpela kain birua, na bai em i nidim taim long kamap strong gut gen.

"Inap em i kam bek

na stat long trening liklik, mipela bai no inap save long strong bilong bodi bilong em bihain long operesen em i kisim. Mipela i bilip na laikim em long redi pastaim long mun Mas bilong raun wan agen-sim Canberra Raiders.

"Em i wanpela fitman tru, olsem na em bai no inap stap long taim inap em i ken pilai gen."



Jack Reed go pas long namba wan hap bilong NRL All Stars vot

LONG pak futbol i go inap long tes level insait long 12 mun tasol, sta senta bilong Broncos, Jack Reed, i go pas long namba wan pablik vot bilong 2012 NRL All Stars tim bilong pilai long Skilled Park long Februari 4.

Reed, husat i strong long NRL long Raun 1, i pilaim olgeta gem bilong 2011 Telstra Premiasip, na pinisim sisen we em i pilai bilong Inglen long four Nations.

Nau em i pulim laik bilong ol ragbi lig sapota long Australia, we em i

kisim 5,500 vot bilong NRL All Stars tim.

Bihain long Reed wantaim wan wik tasol long pulim vot, em Josh Morris (Bulldogs), namba wan pilaia bilong 2011, Paul Gallen (Sharks) na 2011 Preston Campbell Medal Wina, Josh Dugan (Raiders).

Ol strongpela man bilong gem i wok kisim luksave tu. Petero Civoniceva, Nathan Hindmarsh na Fuifui Moimoi olgeta i stap insait long top 10 ovarol pilaia.



Jack Reed

Ol Top 10 pilai bilong NRL All Stars long Stes 1 vot taim, em:

Nem	Klab
Jack Reed	Brisbane Broncos
Josh Morris	Canterbury-Bankstown Bulldogs
Paul Gallen	Cronulla Sharks
Josh Dugan	Canberra Raiders
Luke Lewis	Penrith Panthers
Cooper Cronk	Melbourne Storm
Jarryd Hayne	Parramatta Eels
Nathan Hindmarsh	Parramatta Eels
Petero Civoniceva	Brisbane Broncos
Fuifui Moimoi	Parramatta Eels

Klostu 10,000 sapota i mekim sileksen bilong ol long namba wan hap bilong vot long stap insait long tim bilong Wayne Bennett.

Boksing Opis kamap olsem praiwet bisnis.

PNG Amesa Boksing Yunien opis i kamap olsem praiwet bisnis bilong ol manmeri husat i wok insait long en.

Dispela toktok i kam long presiden bilong NCD boksing assuasen Hok Kiap, em mekim dispela toktok bihain long ol PNGABU i kamapim wanpela miting long Vainimo long makim ol nupela manmeri long lukautim opis.

Presiden bilong NCD i no wanbel long dispela miting we ol mekim long Trinde, tupela wik go pinis taim ol i holim boksing tonomen long Vainimo.

Em tok dispela miting sapos long kamap long Friday, long wetim olgeta presiden bilong wanwan klab long kantri long makim ol nupela manmeri long lukautim opis tasol dispela miting i kam pastaim long de ol makim.

Mr Kiap i tok, i gat planti ol gutpela lain long lukautim opis bilong PNGABU, tasol ol dispela olpela lain mekim dispela opis olsem praiwet bisnis bilong ol.

Em tok tu olsem dispela olpela lain mekim na dispela



Presiden bilong NCD boksing masta Kiap na presiden bilong Berena boksing i no wanbel long opis bilong PNGABU. *Poto Nicky Bernard*

boksing pilai i wok long dai, em tok sampela bilong ol dispela lain tu i nogat klab na ol i no

stap aninit long wanpela asusen.

Mr Kiap na sampela ol presi-

den bai rait i go long PNGABU presiden na ol bai holim nupela miting long sampela mun i kam.

Planti pilai bai pas long Wiken

PLANTI ol pilai long NCD bai pas long dispela wiken na bai kam bek long nupela yia, planti ol pilai long Bisini pilai graun i pinis long wiken i go pinis.

Long sait bilong praiwet kampani netball, ol pilai bilong ol bai kam bek long nupela yia long Jenwari, dispela em bai namba tu raun ol bai go insait long en

Long soka, bisini bin lukim sampela gren fainol long wanpela wik go pinis, dispela ol gren fainol em bilong Pot Mosbi soka.

NSL bai kisim malolo bilong ol dispela wiken long krismas na nu yia amamas, bai ol tu bai kam bek long nupela yia.

PRL long bikpela pilai graun nogat nois i kamap

long bihain long Sauten rijen 9, na O-lig salens bilong soka namel long tim bilong Solomon Ailan Koloale na Hekari bilong Papua Niugini.

Sampela ol liklik pilai olsem Boroko ov sisen bai on long dispela wiken long wanem i gat planti tim bilong ol, na tu i gat tim bilong ol meri na dispela pilai save kik ov long Friday avinun.

Kriket pilai bai kam long dispela Sarere tasol long Sande bai ol pas long stap insait long amamas bilong krismas.

Dispela wiken bai planti pilai graun bai nogat nois, na tu ol pilai graun bai pulim win liklik na kamap gut long wanem ren nau i wok long kam daun klostu klostu long drai Mosbi Siti.



Toktok bilong PNG NRL bit i pairap long Palamen haus. PNG NRL bit i lonsim bit bilong ol na samting bilong ol long sanap tru long dispela bit, tasol long dispela wik wanpela memba long palamen bin askim long sait bilong mani ol save yusim. Piksa i soim ol bikman i go pas long dispela bit sanap wantaim tupela pilaia bilong Brisbane Broncos husat i kam long lonsim.

Poto Nicky Bernard

SPOT RAUN

WANTAIM

Scott Vavine, ML



Sef na stretpela pilai long ol Krismas Spots Festival

OL KRISMAS spoting pilai i kamap olsem pasin bilong olgeta krismas nau. Ol komyuniti long kantri i stretim pinis olgeta krismas spot pilai bilong ol long pulim ol manmeri long komyuniti bilong ol long amamasim dispela taim bilong krismas i go long nupela yia.

Taim dispela em i wanpela spesol taim, mi laik askim olgeta i stap insait long ol dispela spot pilai long pilai stret, na moa yet, pilai sef na fea long nem bilong pilai stret.

Mi tok olsem maski wanem kain wok yu mekim insait long kain spot pilai progrem olsem, yu mas oltaim lukautim yu yet.

Dispela em i taim bilong olgeta long stap gut insait long spot pilai. Sapos olgeta i pilai stret, bai spot pilai i kamap gut, na olgeta lain bai amamas.

Ol lain husat i go pas long ogenaisim dispela pilai i mas gat olgeta was long we pilai i go het. Dispela mas kamap strong. Tru tru, long kain taim olsem, olgeta i save amamas tru long mekim samting stret, na ol i no save tingting long birua bilong spot. Olgeta opisal i mas luksave long sefti bilong ol spotmanmeri.

Wok em bilong ol wan wan tim na ol opisal bilong ol. Na taim mi toktok long sefti na fea pilai, ol opisal long dispela taim bai abrusim tingting bilong winim pilai, maski ol i kisim bagarap long en. Taim dispela i kamap, ol spotmanmeri bai kisim bikpela belwari nating, inap ol i bungim birua. Sefti na fea pilai i mas namba wan bikpela luksave long ol i go insait long dispela spot resis.

Taim yu pilai sef, na yu pilai stret, ol spotmanmeri bai kisim luksave, na tu, komyuniti bai amamasim pilai. Dispela i mas oltaim stap olsem astingting bilong yu.

Long mun Januери i kam, mi wok long givim sampela bikpela tok stia, long we yu na ogenaisim bilong spot pilai i ken kamap gut. Sapos yu wok long bihainim ol dispela stia tok, bai pilai kompetisen bilong yu i kamap gut. Tasol sapos yu ogenaisim spot pilai resis long het bilong yu tasol, bai yu bungim birua na hevi yet.

Long wanem samting yu mekim long dispela wiken, Meri Krismas na Sef Nu Yia i go long yu.

Plis noken lusim birua i kamap long bagarapim krismas taim malolo bilong yu.

NEW PREMIUM TUNA

DIANA

PROUDLY PNO MADE

Omega-3 DHA

Hekari bosim leda

Bustin Anzu i raitim

NESENEL Soka king long Nesenel Soka Lig (NSL), MRDC Hekari United, i soim strong pinis olsem ol bai strongim dispela soka taitol bilong ol insait long Papua Niugini.

Dispela pilai, wanpela bikpela soka pilai insait long kantri, we bin kamap long 2006, i soim olsem olgeta yia, ol i wok long go strong yet.

Na insait long 5-pela yia, Hekari i winim olgeta dispela pilai. Dispela i soim olsem ol i bosim leda yet.

Bihain long win bilong ol wantaim Tukoko Yunivesiti bilong Lae, 5-nil long Lae long las wiken, Hekari i go pas long leda nau.

Hekari i no les long win, maski ol i pilai planti pilai insait long wanpela wik.

Hekari i kam long Lae na mekim ol sapotas pasim maus bilong ol wantaim dispela bikpela win bilong ol.

Dispela pilai agensim Tukoko, em ol i ting olsem Tukoko bai win long wanem,

Besta United i rausim trasis bilong ol na ol i ken mekim wankain pasin.

Tasol taim winga Wira Wama i pairapim umben bilong Tukoko insait long namba wan hap, ol manmeri long Se Ignatius Kilage Stadium i pasim maus.

Na taim straika na kepten bilong Hekari Kerna Jack i pairapim umben long namba tu taim, stedium i nogat nois moa.

Ol mangi Morobe bilong Hekari yet olsem straika Raymond Gunemba, winga Ian Yanum, Nigen Dabinyaba yet i kam bek na wokim nem bilong Hekari long asples bilong ol.

Solomon Ailan kosa bilong Hekari Jerry Allen i lukim olsem i gat spes bilong ron na em i rausim Wama long namba wan hap bilong namba tu taim.

Ol Lae sapota i ting Tukoko bai strong liklik, bihain long ol i harim olsem Besta United i bin daunim Hekari long Mosbi 2-1. Tasol wankain i no kamap long Lae.

Skipa Sowera Gutu, husat i bin pilai strong long namel, Kohu Liem, Gerard Lashel na sab Matthew Bogari i pait strong, tasol ol i nogat gutpela pilai namel



WAS GUT: Kepten bilong Tukoko, Sovera Gutu (lephan) i was gut long David Muta (raithan) bilong Hekari husat i traime long abrusim em wantaim bal las wik Sarere long Sir Ignatius Kilage Stadium. Hekari nekim Tukoko 5-0. *Poto: Bustin Anzu*

Johnston's Pharmacies

For First Aid Kits. Red8 Body Bulk Protein Supplements. Thompson Vitamins, Bandages, Strapping Tape, Mouth Guards.

All Sport and First Aid requirements.

**P.O.Box 1066 Boroko.
Phone 325 3185. Fax 325 0190.
Email sales@johnstons.com.pg."**